

SWIHLOVO LESWI

HANDZUKEKE



Hosi, ndza pfumela; Hosi, ndza pfumela,
Hinkwaswo swa koteka; Hosi, ndza pfumela.

² A hi yimiseni xisweswi ntsena xinkadyana hi korhamisa tinhloko ta hina. Hosi Yesu, hi le ku ringeten hi ndlela ya ku tintsongahata, ku va hi hlamusela Wena, hi ku yimbelela leswi, leswaku ha pfumela. Nakona ha khongela, Hosi, leswaku sweswi, leswaku U taya emahlweni niku hi phemela Xinkwa xa Vutomi, u ri karhi u hi nyika leswi hi nga ni swilaveko swa swona, leswi humaka eRitweni ra Wena. Ha swikombela hi Vito ra Yesu. Amen.

³ Mi nga tshamisa. Ndzi na ku pfumela, loko hi nga swikota, loko ni nga vula hinkwaru rito leri ri enerisaka ra “amen,” leswaku mikateko yaleyo yo xiximeka ya Xikwembu ya ha ta wisela ehenhleni ka vayingiseri lava.

⁴ A ndzi tshamile mixo lowu ndzi yingisela swinene nhlengeletano, ndzi tiphinile hi vumbboni, hi tindlela to hambana leti un’wana na un’wana a ti hlamusetisa xiswona. Ni ku twa lava va ha ku fikaka, makwerhu wa Baptist lahawani loyi a nga ta a ta tisola hi ku ehleketa nyana sweswo swintsongo swo hoxeka. Swingaleswi ndza—ndza amukela hakunene vumunhu, un’wana loyi a nga vaka ni vumunhu lebyi hetisekeke, kumbe—kumbe vumbulwa lebyi eneleke, ngopfu, loko a ehleketa leswaku u endlile xihoxo. A nga tisolanga eka mina, a ku ngari mina loyi a tisola eka yena, a kuri Xikwembu. Swingaleswi ndza—ndza swi amukela sweswo, wa vona. Xikwembu a xi katekisi makwerhu wa hina, ni makwerhu wa yena wa muevhangeli.

⁵ Mina, mu-Baptist yaloye, maswitiva, hi ntolovelo a ndzi nghena kereke ya Baptist hi vumina. A ndzi ri xirho xa Missionary Baptist Church. Loko ndzi ta exikarhini ka vanhu, ndza swi tiva leswaku u titwa njhani. Ndzi titwise xisweswo na mina, ntsena kuva ni tatiwile hi swin’wana leswi ndzi—ndzi nga swi tiviki.

⁶ Ndzi tsundzuka ntokoto wa mina wo sungula loko ndzi ta vona muzalwana, a kuri eDowagiac, Michigan...Ndzi khomeleni, a ndzi ri eDowagiac erendzweni ro ya njovela, nakona a ni ri eku vuyeni ni huma eDowagiac, kuya ehansi eIndiana. Swingaleswi ndzi vonile mavito, ya “Yesu” eka timovha hinkwato ni swin’wana, nakona ni yingiserile tinhlengeletano ta vona siku lero. Kutani hi siku leri tlhandlamaka va tile eka mina ku ta ndzi kombela leswaku

ni ta eka platifomo, ku ta vula marito ya ntsongo, kutani ni swi endlile. Kutani mina... Va ndzi vutisile kereke leyi ni nghenaka yona, kutani ni va byerile leswaku ni wa Baptist.

⁷ Kutani hi madyambu ya lawa a va ri ni mukhalabya wa mukhaladi loyi a ya eku chumayeleni, kutani a nga hava a ri wa kwalomu ka makume ntlhanu-nharhu, kutani u tile eka platifomo. Nakulorhi wa mudyuuharhi, minkarhi yo tala a va n'wi rhumela ehandle. Ari, un'wana wa lava vo ambala tinguvu leto leha ta va ministara, kholoro ya vhelvheté, ni xirhimani nyana xa voya byo basa ku jika hile tlhelo. Hiloko ndzi ehleketa, "Vanhu lava hinkwavo lava nga lahawani ni va ntivuvkembu, vanhu va kahle, hikokwalaho ka yini va pfumelela nhlengeletano leyi yi nyikiwa nakulorhi wo tani hi ya loye? Kunene, mukhalabya a fanela a ri exitulwini kun'wanyana, a tshamile ehansi."

⁸ A vari eku chumayeleni siku lero hi leswi Yesu a swi endleke lahawani emisaveni. Kutani, kambe u tile, a teka tsalwa ra yena, ndza pfumela leswaku a ri huma eka Job...:7, 20, a ndzi na ntiyiso ngopfu wa leswaku yalawa a ya ri Matsalwa ya kona. Hambi swi ri tano, leswi kova ntshaho, kumbe xiphemu xin'wana xa wona, "A miri kwihi loko Ndzi veka masungulo ya misava, loko tinyeleti ta ni mixo ti yimbelela kun'we, kutani vana va Xikwembu va huwelela hi ntsako?" Kutani u yile emahlweni a vulavula hi leswi nga humelela eTilweni, loko va ha vulavula hi leswi swi yeke emahlweni emisaveni.

⁹ Kutani kwallahaya, kwalomu ka ntlhanu wa timinetse endzhaku kaloko a vulavurile, yena, Moya wa Hosi wu n'wi bile, hiloko a tlulela ehenhla kwallahaya ka fluro a khomanisa swirlhendze swa yena kun'we. Mina, a kuri ni ndhawu yo tala, a kuri ni kwalomu ka hafu ya platifomo leyi; hiloko a ya emahlweni, a ku, "Ntsena a mi na ndhawu leyi eneleke lahawani eka mina kuva ni chumayela."

¹⁰ Kunene, a ni ri ni kwalomu ka makume mbirhi wa malembe kwalaho. Ndzi ehleketa, "Loko-loko sweswo swi nga endlisa xisweswo eka mukhalabya yaloye, eka mina kona ke?" Swingaleswi maswivona?

¹¹ Hi ku yimela ku hlayisa hinkwaswo ntsena tani hi xikombelo xa va makwerhu va hina lava ntshwa, xa leswaku hakunene ha va amukela eka xinakulobye xa hina. Ndza swivona, ndza pfumela va hlaye muprista un'wana leswaku u kona u tshamile kun'wana kwala, ndza ehleketa; hikuva, kuva ni ri mu-Irish, vanhu va ka hina i va Khatholiki. Nakona va ha tele swinene, Baptist ni van'wana vo hambana. Mi nga hava nkarhi wun'wana mi nga swi twisisanga kahle ngopfu, eka xinkadyana lexi nga hundza. A ndzi kalanga ndzi twa na un'we wa vamakwerhu loyi a nga vulavula hi swona, kambe

a ndzi ehleketa leswaku ni ta ringeta ku swi tiyisisa. Loko Makwerhu Shakarian...Endzhaku ka xipikara xa kahle lahawani loko a tava a tatiwile hi ntsako, wa kuva a tivile ta ku Vuya ka Hosi leswaku ku kusuhi swinene, u—u vulavurile hi ririm i leri nga tivekiki, eka hina. Nakona hi ni vahlamuseri lava va hlamuselaka. Laha, Matsalwa ya nge, “Loko kuri hava muhlamuseri, kutani a va timiyeleli.” Kambe loko-loko va vulavula hi tindzimi ti tlhela ti hlamusetiwa, swi va vuprofeti. Swingaleswi kanganyisaka nyana kantsongo ha—ha vumbirhi bya vona hi nkarhi wun’we. Sweswi, sweswo a ku ngari ku kanganyisa na swintsongo, wa vona; hikuva, un’wana wa vona a nyika nhlamuselo, loyi un’wana a ri eku profeteni. Wa vona? Swingaleswi sweswo i...

¹² A ndzi ehleketa leswaku ndzi ta endla leswaku vamakwerhu va swi twisia, loko va nga swi twisisi, hikuva un’we wa vona a ri ni manyikel o ya kahle...Mikale mi wu xiyisisa nkarhi lowu pimiweke wa un’wana ni un’wana xana? Kutani loyi un’wana ntsena a tatiwile, hi yexe, leswaku Moya wa Xikwembu a wu ri eku profeteni hi un’wana; ku nyikiwa nhlamuselo, loyi un’wana a ri eku nyiken i ka nhlamuselo. Swingaleswi sweswo swi nga hava swi ri erivaleni, leswaku n’wina...a hi...Nkarhi wun’wana, eka miehleketo ya ntumbuluko...Ntsena tani hi makwerhu un’wana wa kahle loyi a kombeleke ku khomeriwa mixo lowu. Swa kanganyisa nyana eka munhu loyi a nga switwisisiki. Kambe eka lava va nga endzeni, lava va nga va khale va nyimpi lava a vari endzeni, hikokwalaho ka yini, a swi twisia sweswo, hilaha swilo leswi swi nga xiswona. Swingaleswi a ndzi ehleketa leswaku ndzi ta vula swin’wana ha swona, loko swi ri kahle.

¹³ Sweswi, ndza—ndza switiva leswaku ley i a hi yona ndhawu yo swivula kona. Kambe kuva hi ndlela yaley o laha un’wana ni un’wana ari eku vuleni ka swilo leswi ntsongo, ndzi...Maswitiva, nakulorhi yaloye u teri, mukhalabya wa mukhaladi u teri, “a mi na ndhawu ley i eneleke laha ndzi nga chumayelaka eka yona.” A mi na *nkarhi* lowu wu eneleke eka mina wo chumayela. [Nhlengeletano yi phokotela mavoko—Muhleri.] Kutlula ku wu wayindhela wu ka wu leha.

¹⁴ Wanuna u teri siku rin’wana, a ku, “Muministara u tile, a ri mufundhisi wa kereke ku ringana makume mbirhi wa malembe. Nakona minkarhi hinkwayo u chumayela makume nharhu wa timinetse Sonto yin’wana ni yin’wana ni mixo ekerekene ya yena.” Kutani u teri, “Mixo wa Sonto lowu, u chumayerile tiawara tinharhu.”

¹⁵ Kutani swingaleswi bodo ya madiyakoni yi n’wi vitanile, yi ku, “Mufundhisi, hakunene ha ku amukela.” Va ku, “Minkarhi hinkwayo ha switiva leswaku—leswaku u yimela Bibele nakona Yi kahle.” Kutani va ku, “Nakona minkarhi hinkwayo

wa hi lulamisa hi titwa hi phyuphyile niku tengā emahlweni ka Xikwembu. Kutani hakunene-nene ha ku amukela, nakona ha pfumela leswaku u nandza wa Xikwembu. Nakona hakunene ha ri amukela hungu lero ra mixo lowu. Kambe,” va ku, “kova na nchumu wun’we ntsena lowu hi lavaka ku ku kombela wona.” Va ku, “Hi ku nyika nkarhi, tani hi bodo ya madiyakoni.” Va ku, “Sonto wun’wana ni wun’wana ni mixo u va na makume nharhu wa timinetse, kambe namuntlha u vile ni tiawara tinharhu.” Va ku, “Sweswi, tsundzuka, hi amukela xin’wana ni xin’wana xa swona. Yi kahle.” Va endla leswaku nakulorhi wa mukhalabya a titwa kahle, maswitiva.

¹⁶ A ku, “Kunene, vamakwerhu, ndzi ta mi byela leswi swi nga xiswona.” A ku, “Mixo wun’wana ni wun’wana loko ndzi ya . . . ndzi vitaniwa ephulphitini,” a ku, “ndzi vekela xin’we lexi ntsongo xa leswi swa Life Savers enon’weni wa mina,” a ku, “kutani ntsena ndzi an’wa eka swona.” Kutani a ku, “Loko Life Saver a swi endlile,” a ku, “ntsena swi teka makume nharhu wa timinetse,” kutani a ku, “kutani ndza tshika ku chumayela.” A ku, “Maswitiva, mixo lowu, a ndzi ehleketa leswaku ndzi hundzisile nkarhi swintsongo. Ndzi swi tshuterile, a ndzi ri na kunupu enon’weni wa mina.” [Nhlengeletano yi hleka—Muhleri.]

¹⁷ A ndzi nge nghanisi swin’wana, swingaleswi ndza tshembha a hi ngevi na tikunupu tin’wana eswikhwameni swa hina. Kambe hi ni . . . Ndza tshembha leswaku a swi twali swi ri xisandu lahawani. Kambe ntsena ndzi . . . Maswitiva, hambi kuri Xikwembu xi ni vutitwi bya vumunhu, maswitiva.

¹⁸ Swingaleswi hi khensa ngopfu kuva hiri lahawani ni kuva hi ri ni nkarhi lowu wa xinakulobye, ni—ni nkateko lowu wa kahle wa ku phema Xinkwa xa Vutomi nakambe, hi xindledyani lexi xi nga xa mina ntsena. Ndza switiva, tani hi va ntivo-vukwembu, tani hi wanuna yaloye a nga vulavula madyambu ya tolo lahawani loyi a humaka eEngland; mina, ndza swi venga ku yima endzhaku ka munhu wo tani hi yaloye, ni dyondzo ya mina ya gredi nkombo. Kambe ndza tshembha leswaku Xikwembu xi ta mi hlamusela leswi ndzi swi vulaka embilwini ya mina. Wa vona? Loko marito ya mina ya nga ri kahle; makungu ya mina, ndza—ndza tshembha, hi wona.

¹⁹ Sweswi a hi hlayeni eMatsalweni. Votala va n’wina mi tsakela ku landzelela. Kutani ndzi ya eku hlayeni mixo lowu, ntsena xinkadyana, kusuka eka Buku ya Yeremiya, muprofeta, kuavanyisa ka vu2, kutani ni ta sungula hi vhese ya vul.

Rito ra Yehovha ri humele ka mina, ri ku,

*Yana u ya huwelela etindleveni ta Yerusalem, u
ku, Ku vula Hosi aku; ndzi karhi ndzi anakanya, ku*

lulama ka vuntshwa bya wena, ni rirhandzu ra ku teka ka wena, loko a wuri karhi u ndzi landza endhaku emananga, etikweni leri nga rimiwangiki.

Israel a hlaseriwile mahlweni ka Hosi, a xi ri xirhangana xa rifuwo ra yena: hinkwavo lava n'wi dyaka a va ri...na nandzu; a va humeleriwa hi khombo, ku vula Hosi.

Yingisani rito ra Hosi, N'wina yindlu ya Yakob, na n'wina tinxaka hinkwato ta yindlu ya Israel:

Ku vula Hosi yi ku, Vatata wan'wina va tshama va kuma ku biha kwihi ka mina xana, leswi va tshamaka va hambana na mina, va fambela vuhaba, kutani va hundzuka swa hava?

A va vulangi va ku, YI kwihi Hosi leyi yi hi humeseke tikweni ra Egipta, leyi hi fambiseke mananga, etikweni lero kwalala ra mikova, tiko leri omeke, ra ndzhuti wa rifu, tiko leri nga riki na muhundzzi, ni...muaki?

Ndzi mi tisile tikweni ra ndzalo, leswaku mi ta dya mihandzu ya rona ni mafurha ya rona; kambe mi nghenile, kutani mi dyuhata, tiko ra mina, ni ndzhaka ya mina mi yi endla manyala.

Vaprista a va vulanga va ku, Yi kwihi Hosi? Ni vatameri va nawu a va ndzi tivanga: varisi va ndzi hundzukela, ni vaprofeta va profeta ha Baal, kambe va landza lava nga pfuniki nchumu.

Hikwalaho ndza ha...ta mi tengisa, ku vula Hosi, kambe ndzi ta tengisa ni vatukulu va n'wina.

Pelelani...xihlahleni xa Kitim, mi ta languta; rhumelani Kedar, mi tsundzuka swinene, mi languta loko mhaka leyo tano yi tshama yi va kona.

Xana tiko ri nga va kona leri thikaka swikuwembu swa rona, eku teka swin'wana...kasi swona a hi swikuwembu xana? Kambe tiko ra mina ri tshikile ku kwetsima ka rona ri tifuwisa hi leswi nga riki nchumu.

N'wina matilo, Tanani mi hlamala, hi mhaka leyi, mi ta rhurhumela,...mi titivila, ku vula Hosi.

Hikuva tiko ra mina ri dyohile kambirhi; va ndzi tshikile mina ndzi nga nseledyana ya mati lama pfelelaka, kambe va ti celele swihlovo, leswi handzukeke, leswi nga kotiki ku hlayisa mati.

²⁰ I ngaku Hosi Yi nga engetela mikateko eku hlayiweni ka Rito ra Yona. Kutani ndzi tsakela ku-ku teka tsalwa ra sweswo, tani hi, Swihlovo Leswi Handzukeke.

²¹ Loko, eku hlayiweni ka Matsalwa lawa mixo lowu; laha, Matsalwa hinkwawo manyikiweke hi ku huhuteriwa. Nakona hi ta eNdlwini ya Hosi leswaku hi ta lulamisiwa niku twisisa. Kutani minkarhi yin'wana hi vona...nchumu wun'wana ni wun'wana wuntsongo endleleni.

²² Tani hi wanuna loyi wa swa tinyimpi, ku ngari khale ngopfu, ari eku vulavuleni na hina niku vula swin'wana, laha kumbexani eka tiko rin'wana ku ni mizayili yin'wana, kumbe—kumbe swin'wana eka miehleketo ya leyo, kutani hi fanele ku kuma swin'wana leswi swi nga ta ba matsanyu eka sweswo eka—eka maendlelo ya swa tinyimpi.

²³ Kunene, swi fana ni leswi swiyaka ekerekeni, yi avana laha munhu a chumayilaka, kumbe laha a nga muevhangeli ensin'wini. Loko a vona ku pfuka ka swin'wana, ni swin'wana leswi ntseña swi tisungulelaka, swi famba, i vuuhlangi kumbe swin'wana leswi nga vaka xiswona; i wanuna yaloye, loko ari nandza wa Xikwembu, ku sirhelela nchumu walowo wu nga ekule na miehleketo ya vanhu lava va nga ta fambela ekule na swona. Kutani hi nga swi lavi sweswo leswaku swi humelela, eka hina kuva hi nghena etindhawini to fana ni teto.

²⁴ Sweswi, hi nkarhi wa Yeremiya lahawani, vuprofeta bya yena, a byi ri kwalomu ka makume ntsevu wa malembe kusukela eka rifu ra—ra Esaya—Esaya. Nakona va vile ni kwalomu ka makume ntsevu wa malembe ku ngari ni muprofeta lonkulu. A kuri na Habakuk ni vaprofeta van'wana lavantsongo lava nga riki va nkoka, kambe Esaya ari muprofeta lonkulu wo hetelela. Kutani vanhu a va ri ni, hi nkarhi lowu, a va ri hava na un'we loyi a fanele ku va vitana va huma. Va lo khukhuriwa. Hambi swi ri tano, a va hari vanhu va Xikwembu, kutani va khukhuriwile va ta eka tiko leri sweswi leri—leri hi va kumaka eka rona, tani hilaha Yeremiya a nga ta a ta va profetela. Nakambe Yeremiya a ha ri...U profetile a nga siya evuchavela whawha, nakona a tlhela a ya evuchavela whawha na vona.

²⁵ Kutani, hakunene, Daniel u tile endzhaku ka Yeremiya. Nakona Daniel u vule leswaku u na ku twisisa, hi Matsalwa, eka malembe ya makume nkombo lawa a va fanele va va kwalahaya.

²⁶ Xivangelo, a kuri hava muprofeta un'wana exikarhi xa vona, loyi a lava ku pana joko leri, tani hilaha ari veka enhan'wini ya yena, walowo a ku tava kuri nchumu wuntsongo, leswaku, "Ku nga si hela malembe ya mbirhi, kunene, Xikwembu a xi ya eku va tlheriseleni hinkwavo," kambe Yeremiya a tiva swo hambana na sweswo. Kutani ha swi tiva leswaku ku humelela yini hi muprofeta loyi a profetaka swo hoxeka, u file hi lembe lero. Swingaleswi Xikwembu a xi nga ta n'wi pfumelela leswaku a yima.

²⁷ Kutani sweswi nakambe hi tekela enhlokweni swiyimo swa vanhu hi siku lero. Sweswi a ndzi swi tsakeli leswaku mi nga ndzi twisisi (a—a ndzi le ku kunguhateni) eka leswi ndzi kunguhataka ku swivula lahawani, eka Matsalwa man'wana ni tinotsi nyana letintsongo.

²⁸ A ndzi nga tolovelangi ku—ku tsala Matsalwa ni swin'wana ehansi. Kambe endzhaku kaloko ndzi tava ndzi hundzile makume mbirhi-ntlhanu ka mbirhi, kunene, a—a ndzi nga ha tsundzuki tani hilaha a ndzi tollovele ha kona, swingaleswi ni matsala ehansi Matsalwa hi maendlelo yo ma tiva, kusuka eka sweswo, hilaha a ndzi fambisa xiswona. Kutani i nkarhi wo leha ndzi khongelela vavabyi, ni kuya emahlweni, niku huma ni famba, a ndzi na nkarhi hakunene wo hlaya tani hilaha ndzi faneleke ku swi endla.

²⁹ Sweswi, kambe muprofeta loyi lonkulu wa siku leri, a kuri Yeremiya, nakona a ri swin'wana eka xileriso xa Amos ni vunyingi bya vaprofeta lavan'wana lava va nga pfuka. U hakasekile loko a tava a vonile swiyimo swa tiko. Kutani a kuri ni tindhawu . . .

³⁰ Nkarhi wun'wana loko u vulavula hi tiko, u nga ha ehleketa leswaku swi tlhavela eka—eka ntlawa wun'wana. A hi swona sweswo. I xifaniso xa tiko hinkwaro. Kutani ha swikuma, namuntlha, i—i xiyimo lexi xi fananisekaka namuntlha tani hilaha a xi ri emasikwini ya Yeremiya, leswaku tiko rona hi roxe, hinkwaro ka rona, ri yile, swinene kumbe nyana, evuoswini; maendlelo yalawa, ndzi nga ku, ri fambele ekule ni Xikwembu. Kutani hi ku endla sweswo, i ku tsana ka phulphiti. Hikuva, loko phulphiti a yi tshamile kahle, ni Rito ra Xikwembu, Xikwembu a xi tava xi ri eka kereke yin'wana na yin'wana tani hilaha Xi famba-fambaka exikarhini ka hina sweswi lahawani. Kambe va fambele ekule na sweswo. Kutani walowo i nchumu lowu ndzi—ndzi lavaka ku vulavula hi wona mixo lowu. Kutani sweswi hi kuma leswaku walowo i ntifyiso lowu nga helela eka nguva yin'wana ni yin'wana.

³¹ Ndza pfumela leswaku a kuri Amos, tani hilaha ndzi fananiseke hi yena xinkadyana lexi nga hundza, laha a nga vula leswaku “a ngari muprofeta, hambi a ri n'wana wa muprofeta.” Kambe a vula, leswaku, “Loko nghala yi dumaduma, i mani loyi a nga tako a nga chavi xana?”

³² Kutani loko kuri ni loyi a nga tshama a twa nghala leyti yi dumaduma emananga, leswi mi swi twaka etihokweni leti ti nga lahawani kova ntsena ku n'awula. Kambe loko yin'wana yi dumaduma emananga, xin'wana ni xin'wana xi dya xirhendze. Ndzi etlerile ekhwatile, ku ti hlota. Nakona hi yena hosi ya swiharhi, kutani, loko nghala yaleyo yi dumaduma, hambi kuri swifufunhunu swa yima ku cemacema, xin'wana na xin'wana xa yima. Ti—ti mhungubye ni—ni timhisici loko ti

rila, ni swiharhi leswin'wana, ni huwa ya timfenhe na tintohe, swifufunhunu, u nga hatla u titwa wena hi wexe u ehleketa; kambe eka mpfhuka tshika nghala yi dumaduma, kutani xifufunhunu xin'wana na xin'wana xa yima ku cema. Wa vona, xin'wana na xin'wana xa n'wi chava. Hambi swi ri tano, kuni swo tala leswi swi nga n'wi dlayaka, kambe u tekiwa tani hi hosi exikarhini xa swivandzana.

³³ U teri, "Loko nghala yi vuvula, i mani loyi a nga taka a nga chavi?" A ku, "Kutani Xikwembu xa vulavula, i mani loyi a nga taka a nga profeti xana?"

³⁴ Kutani sweswo, ndza ehleketa, xiyimo xi hlangana na ntlhotlho nakambe namuntlha. Xikwembu xivulavurile. Wa vona? Kutani hi vona voko loko ri tsala ekhumbhini, swingaleswi swa olova ku profeta niku vona leswaku hi le nkarhini wa makumu.

³⁵ Kutani hi le ku voneni ka Xikwembu, kusukela eka xiphemu xin'wana ni xin'wana xa tidinominexini, kusukela eka Vukhatholiki, kuya eka tikereke hinkwato leti a ti kaneta, va Buddha ni tin'wana to tala, kusuka eIndia, ni tin'wana leti nga kona to tala. Xi le ku vitaneni ka vanhu va Xona kun'we, va hlengeletana kun'we. Nakona ndzi—ndzi tsakile ha sweswo, ku vona siku leri loko ri ta. Sweswi hi...I—i siku ra kahle, yin'wana ya minkateko leyikulu ngopfu.

³⁶ Leswaku, loko ndzi fanele ku swi endla, loko a ndzi swi tivilie misava yi nge si va kona, loko ha ha ri xiphemu xa mianakanyo ya Xikwembu, leswaku hi kona, hikuva hi vile na Xona misava yi nga se tumbuluxiwa. Hikuva, ku ni xivumbeko xin'we ntsena xa Vutomi lebyi nga Heriki, kutani byebyo i Xikwembu. Nakona hi xiphemu xa Xona. A hi nga switivi ngopfu leswaku hi nga tiva ni—ni leswaku hi nga ehleketa, nikuva hi ri xivumbiwa; kambe a hi ri emianakanyweni ya Xona ya leswi hi nga xiswona, misava yi nga se tumbuluxiwa. Hikuva, hi xiphemu xa Xona, tani hi jaha ra mina i xiphemu xa mina, na mina ni xiphemu xa tata wa mina, ni kuya emahlweni. Hi vana va xinuna ni vaxisati va Xikwembu, hi vutivi bya Xona lebyo rhanga.

³⁷ Kutani endzhaku lahayna, loko a ndzi tivekile tani hilaha ndzi swi tivisaka xiswona sweswi, kutani a ndzi tava ndzi langutile nkarhi hinkwawo lowu nga hlaysia, nakona a Xi tava xi teri eka mina, "Xana hi wihi nkarhi lowu u lavaka ku hanya eka wona?" A ndzi tava ni vurile nkarhi lowu hi nga eka wona sweswi, ntsena tani hi evha wa—wa le makun'wini ya matimu ya misava, niku ta ka Mfumo wa Xikwembu lowu wu nga ta akiwa emisaveni. Ndzi pfumela leswaku i nkarhi wo kwetsima ngopfu eka tinguba hinkwato, hi wona walowu.

³⁸ Hi kuma leswaku lahayna Israel ri rhukaniwe hi muprofeta, loko Xikwembu xi tava xi n'wi xiximile niku n'wi

rhuma. Varhukaniwile hikokwalaho ka ku dyoha ka mbirhi lokukulu. Kutani hi lava ku vulavula hi swona swilo leswi mbirhi leswi va swi endleke. Kutani, kusuka eka sweswo, hi lava ku hlula hi swona. Sweswi, va tshikile Xikwembu, lexi nga Nseledyana ya mati lawa ya pfelelaka, kutani va ti celela swihlovo. Kutani va tshikile leswi Xikwembu xi nga va nyika swona, kutani va ti celela swin'wana leswi vona hi voxé va nga tiendlela swona. Kutani swihlovo leswi, mi xiyisisa, a ri, a swi handzukile swi thela swi pfuta.

³⁹ Sweswi, xihlovo lexi xi nga handzuka xi ngaka xi nga swikoti ku hlayisa mati. Ma ta pfuta ma huma. Ndzi kurisiwele epurasini, kutani ndza xi tiva xihlovo xa khale leswaku i yini, niku tikeriwa loku a hi ri na kona ha xona.

⁴⁰ Kutani xihlovo lexi xi pfutaka i—i xifaniso xa kahle swinene, ndza ehlaketa, xa siku leri, xa leswaku hinkwaswo swa (hina) leswi hi nga ringeta ku swi endla, ku endlela ku kuma vavanuna kun'we, ku kuma vanhu leswaku vava kun'we, ku kuma tikereke leswaku ti va kun'we, minkarhi hinkwayo swi va evhilweni ra ku ringeta ka ti ntiharhi. Hi ringetile ku endla ma Methodists hinkwavo leswaku va va ma Baptist, swi fambisana hi ndlela ya leyo, ni tidinominexini to hambana. Kutani sweswo a ku ngari nongonoko wa Xikwembu, ku sungula hi swona.

⁴¹ Xikwembu xi ni ndhawu leyi nga yin'we ntsena laha ku hlanganeriwaka kona. Xi swi vurile lahaya eBukwini ya Eksoda, leswaku, “Ndzi hlawurile ndhawu laha ndzi nga ta akisa kona Vito ra Mina, kutani hi yona yi ri yoxe ndhawu leyi Ndzi nga ta hlangana na vanhu eka yona.” Nakona Xi hlawurile ndhawu laha xi nga ta akisa kona Vito ra Xona. Ni laha Xi nga akisa kona Vito ra Xona, kwalaho hilaha Xi nga hlangana na Israel. Xi ni ndhawu laha Xi hlanganaka na kereke ya Xona kona namuntla, kutani Xi hlawurile Vito lero, nakona Vito lero i Yesu Kreste. Kutani kwalahaya hilaha Xi hlanganaka na mupfumeri wa ntiyiso, loko a ri eka Yesu Kreste. Kwalahaya hilaha Xikwembu xi nga hlawula ku akisa Vito ra Xona kona.

Mi ri, “Vito ra Xikwembu?”

⁴² U teri, “Ndzi tile hi Vito ra Tatana.” Swingaleswi kwalaho hilaha Xikwembu xi nga akisa Vito ra Xona kona, a kuri eka Kreste. Nakona eka Kreste hilaha hinkwerhu hi nga hlanganaka kona ehansi ka Ngati leyi halakeke, kutani kwalahaya ku ni xidzi, xa ntuyiso xa xinakulobye.

⁴³ Xikwembu xi endlile nongonoko wa Xona emasunguleni, entangeni wa Eden, endzhawini leyi Xona xi nga ta hlangana na munhu, nakona sweswo a swi nga ri ehenhleni ka matwisiselo ya vutlhärhi; loko a byi ri kona, Evha hakunene a forile na nongonoko wa Xona. Kambe ha swi tiva leswaku

u amukerile vutlharhi bya Sathani bya vuxisi, “Hakunene, Xikwembu a xi nge swi endli,” kambe Xikwembu xi teri Xi ta swi endla! Kutani swingaleswi Xi hlawurile ndhawu yo kutsulela, nakona swi hi Ngati, kutani ku nga ri hi vutlharhi bya vuxisi.

⁴⁴ Swingaleswi ntsena ho va eku beni ka moya, kambe ko va ntsena ntumbuluko wa ximunhu leswaku—leswaku vanhu va ta ringeta ku—ku swi endla sweswo. Loko a hi ri ni nkarhi, hi nga swi tshovelela swi huma swiphemu swo tala, kambe a ndzi yi lavi kunupu ya leyo. Swingaleswi ntsena hi ta ringeta ku swi olovisa loko swi nga koteka, “swihlovo leswi swi pfutaka.” Kutani hi kuma leswaku swi—swi humelela nakambe hi ku hetiseka, i xifaniso xin’we xa nguva ya hina leyi hi hanyakaka eka yona, ya ku ringeta ka hina hinkwako.

⁴⁵ Nakona a kuna ku hunisa eka vuswikoti hinkwabyo lebyi nandza un’wana ni un’wana wa Xikwembu, laha hambi kuri mavito ya Vito ra Yesu Kreste. U fanele ku xiximiwa hambi kuri ku thya Vito ra Xona ntsena hi xichavo niku xixima. Kutani mafambiselo lamakulu ya evhangeli lawa ya tsemekanyeke misava, ni kuya emahlweni, eka masiku lawa yo hetelela, ndza pfumela, hambi swi ri tano hi ta hluleka ku kuma vanhu eka mbilu yin’we ku fikela laha hi va kumaka ehansi ka Ngati ya Yesu Kreste. Yaleylo hi yona ndhawu yi ri yoxe laha hi nga hlayisekaka.

⁴⁶ Un’wana u ndzi vitanile ku nga ri khale ngopfu, kusuka eVuxeni, a ku, “Makwerhu Branham, ndzi swi twile leswaku u rhurhele e—e Arizona, kutani u vumbile ndha—ndha ndhawu lahaya laha ku nga ni vuhlayiseki.” Kutani tani hilaha mi switivaka ha kona hilaha Hungu ri nga tisa xiswona, kutani Hosi yi ndzi byerile leswi swi nga ta humelela eAlaska, nile California leswi swi nga tava xiswona, kutani swi vile hi ndlela ya leyo. Va teri, “Sweswi loko sweswo kuri ku ninginika, ni hinkwaswo, xana zoni ya vuhlayiseki yi le kwihi xana?”

⁴⁷ Ndzi ku, “Ku ni zoni yin’we ntsena ya vuhlayiseki leyi ndzi yi tivaka. Yaleylo yile ka Kreste. Lava va nga eka Kreste, va ta . . .” I un’we ntsena loyi ndzi n’wi tivaka.

⁴⁸ Sweswi Yeremiya u vitaniwile, na yena, “muprefeta la rilaka.” Kutani hikuva, ndza pfumela, leswi swi nga endla leswaku muprefeta loyi a rila—rila, kumbexani, swi hikokwalaho ka kuva a ri muprefeta (kutani Rito ra Hosi ri ta eka yena) niku vona vanhu loko va landzelela mindzhavuko ya vona, niku ehleketa leswaku va ni ntiyiso, nakona ku hava ndlela yin’wana yo va hundzuluxa.

⁴⁹ Tani hiloko, va ya va kongome evuchavela whawha, hikuva ha swi tiva leswaku u tshovela leswi u swi byaleke, swi ngari na mhaka leswaku u mani, u njhani. Kutani hina tani hi rixaka hi tshoverile . . . kumbe hi byarile, kumbexani, kutani hi fanele ku

tshovela. Ndzi vulavulela mundzuku, loko Hosi yi swi rhandza, hi ndzhengha, eka *Switlhavi Swa Mbeleko*; kutani ndzi—kutani ndzi swi khumbhile sweswo lahaya, leswaku kuhava leswi hi nga tiseketelaka ha swona. Hi fanele ku tshovela leswi hi nga swi byala.

⁵⁰ Kutani loko Xikwembu xi nga hi pfumelela hi tiseketela hi ku encenyeta ka hina ka Vukreste namuntha, niku encenyeta ka vanhu eka swilo leswi swi vitaniwaka Vukreste, tani hilaha Makwerhu Moore a nga tshama a ku “U tava a tibohile ku endla vugangu byo pfuxa Sodoma na Gomora, niku kombela ku rivaleriwa kuva a va hisile.” Hiswona sweswo, hikuva Xikwembu xa ha lulamile. Nakona hi kwihi laha ku pfumala ka vululami; byi—byi ta eka ku kwetsima ka Xona ni Rito ra Xona leri Xi endlaka leswaku vanhu va tshovela leswi va nga swi byala, kutani hi ta fanelia ku endla sweswo.

⁵¹ Sweswi xiyisisani va vuye va Xi siya, Xinseledyana xa mati lawa ya pfelelaka, kutani va ti handzele swihlovo swa vona.

⁵² Sweswi swi nga ha endleka kuri na un’wana lahwani loyi a nga swi twisiseki leswaku xihlovo i yini. Xihlovo i thankia leri ri endliwaka hi munhu leri ri ringetaka ku teka ndhawu ya xinseledyana. I nchumu wun’wana lowu munhu a wu handaka. Kutani i vangani lava va tivaka leswaku xihlovo i yini? Swikahle. Swi lulamile, i vunyingi bya vaaka tiko lahwani emixweni. Swingaleswi va... Ndzi tsundzuka xihlovo xa khale endhawini, leswi a xi langutekisa xiswona, kutani minkarhi hinkwayo a ndzi chava ku nwa mati ya kona. I thankia leri ri nga endla hi—hi munhu. Nakona a wu nge tshembheli eka rona. U ngaka u nga tshembheli eka xihlovo.

⁵³ Sweswi nchumu wun’wana na wun’wana lowu munhu a wu endlaka hi ntolovelu a wu kahle. Kambe ntsena tani hi—hi Hosi yi nga veka nkarhi eka—eka—eka xirhendzevutani xa wona, kutani misava yile ku rhendzelekeni; lembe rin’wana na rin’wana, nkarhi wun’wana na wun’wana ya handzuluka, masiku hinkwawo, awara yin’wana na yin’wana, ni dyambu ra xa, kutani a ri kali ri tsandzeka. Kambe tiwachi to antswa leti hi nga tikumaka, ti nga tsandzeka eka timinetse to tala enhwetini, a swi kanakanisi. Kambe, maswivona, xin’wana ni xin’wana lexi Xikwembu xi xi endlaka xi hetisekile, nakona lexi xi endlaka hi munhu a xi hetisekanga. Swingaleswi hikokwalaho ka yini hi amukela leswi swi endlaka hi vanhu, laha u nga ha vaka niku hetiseka xana?

⁵⁴ Minkarhi yo tala ndzi tshamela ro swivula sweswo hi hina vanhu va Pentekostal. Wa vona, ha swi tiva, nakona a hi le—a hi le handle ka xivangelo xa xileriso, xa Xikwembu, a hi pfumeli; kambe ha swi tiva leswaku exikarhini ka hina ku ni vanhu lava va ringetaka ku encenyeta nakulorhi un’wana. Sweswo kova yumunhu ntsena. Va ta ringeta ku swi endla

sweswo. Va swi endlile eBibeleni, “Un’wana, ‘A ku ndzi wa Paul,’ ‘Ndzi wa Silas,’” ni kuya emahlweni. Kambe, vona, va ringetile ku encenyeta leswi nga endla hi un’wana kumbe leswi a swi endlaka.

⁵⁵ Kambe hikokwalaho ka yini u amukela ku encenyeta loku ku hoxekeke, loko swibakabaka swa ha tele hi swilo swa xiviri, loko “xitshembhiso xi ri eka n’wina na vana va n’wina”? Hikokwalaho ka yini hi amukela swin’wana leswi hambaneke xana? Hikokwalaho ka yini hi teka mikhuva kumbe nawu wa kereke, loko Bibele yi ri Rito leri nga hungukiwangiki ra Xikwembu? Hikokwalaho ka yini hi ringeta ku engetela kumbe ku hunguta, loko Hosi Yesu a teri eka Nhlavutelo 22:18, “Loyi a nga ta susa Rito rin’we eka Yona, kumbe ku engetela rito rin’we eka Yona, xiphemu xa yena xi ta susiwa eBukwini ya Vutomi”?

⁵⁶ Loko Xikwembu xi tava xi vekile rixaka ra ximunhu ro sungula emisaveni, Xi va byerile leswaku va hanya hi Rito ra Xona. Kutani Rito ra Xikwembu ri kotisa nketani, u tsemekanya tihele hi Rona; kutani ya yena nketani yi kahle swinene eka ku pfuta ka yona loku ku tsaneke, kutani Xikwembu xi hi lava hi hlayisa Rito rin’wana na rin’wana ra Yona. Kwalaho a kuri masungulo ya Bibele; ntsena ku tshova Rito rin’we ntsena, ri petile rimbewu ra ximunhu emunyameni wa rifu.

⁵⁷ Yesu u tile exikarhi ka Bibele, nakona U vule leswaku, “Munhu a ngaka a nga hanyi hi vuswa ntsena, kambe u ta hanya hi Rito rin’wana ni rin’wana.” Ku ngari xiphemu ntsena xa Marito, kumbe makume nkaye-nkaye eka dzana; kambe Rito hi rin’wana na rin’wana, ntsena tani hi Evha na Adam hilaha a va ri xiswona.

⁵⁸ Nakona emakun’wini ya Bibele, Nhlavutelo 22:18, U vule leswaku, “Loyi a nga ta hunguta Rito eka Lawa, kumbe ku engetela Rito rin’we eka Yona!”

⁵⁹ Swingaleswi hikokwalaho ka yini hi lava ku nghenisa miehleketo ya un’wana Lahawani ya swin’wana, loko laha kuri Miehleketo leyi Yi nga ya Xikwembu ya swona? Hi lava ku teka leswi A nga swi vula. Nakambe swi tsariwile, “Mi nge rito rin’wana na rin’wana ra munhu ri va vunwa, kutani ra Mina ri va Ntiyiso.”

⁶⁰ Sweswo hi leswi a swi ri ni muprefeta loyi. Emasikwini ya Yeremiya, a ri muprefeta, a ri na Rito ra Hosi. Kutani nakulorhi loyi a ringeta ku nghenisa swin’wana eka Rona, swi ngaka swi nga tshembheli eka swona. Kutani ni fananisa mathangi lawa ni matirhelo lawa hi nga ringeta ku ma teka, niku teka ndhawu ya Rito ra xiviri ra Xikwembu.

⁶¹ Tani hiloko, kuri hava lexi nga tekaka ndhawu ya Rona. Ri Xikwembu. “Ekusungulen i a kuri ni Rito, kutani Rito a ri

ri na Xikwembu, kutani Rito a ri ri Xikwembu. Kutani Rito ri endliwile nyama leyi nga tshama exikarhini ka hina." Eka va-Heveru 13:8, yi teri, "Wa ha ri Yena tolo, namunlhha, ni hilaha ku nga heriki." Xana hi nga swi rhaba hi fambela ekule njhani ni Sweswo xana? Ri fanele kuva Ntiyiso. U tshamisa xisweswiya. Wa fana eka nsinya wun'wana ni wun'wana.

⁶² Hi xona xivangelo xa kuva mi tiphina ha Rona, n'wina Mabaptists na Mamethodists, na Makhatholiki na Mapresbyterians, ni van'wana, tiphineni hi Vukona byebyo. Kun'wana, eka n'wina, mi amukerile Xikwembu. Kumbexani hi ndlela ya vutlharhi, kumbexani mi twe Matimba ya Xikwembu, nakona mi nandza wa Xikwembu; kambe loko mi nga ta eka Xikwembu hakunene, niku tekela enhlokweni ndhawu ya n'wina eka Yena, tani hi n'wana waxinuna na waxisati wa Xikwembu, sweswo hi swona leswi swi tisaka gwitsi eka n'wina, leri Xikwembu xi nga mi endla leswaku mi va na rona.

⁶³ Sweswi hi swi tekela enhlokweni eka Mukwetsimi Marka, kuavanyisa ka vu16, Yesu a nga vulanga a ku, "Yanani hakona emisaveni hinkwayo, mi—mi—mi ya dyondzisa." U teri, "Fambani mi ya chumayela Evhangeli." Mi ya chumayela Evhangeli, i ku, kombisa Matimba ya Moya wo Kwetsima! "Yanani hakona emisaveni hinkwayo, mi ya kombisa Matimba ya Moya wo Kwetsima."

⁶⁴ Loko ndza ha vulavula na makwerhu, un'wana wa vaseketeri eka...nhlengeletano ya mina eIndia, a Bombay lahaya, kuya ehansi eAfrika Dzonga ni tin'wana tindhawu to hambanana, laha timixinari va nga Ri dyondzisa tani hi rito kumbe tani hi miehleketo ya vutlharhi bya vuxisi. Kambe siku rin'wana enhlengeletanwini, loko Moya wo Kwetsima wu xikela ehansi, Yena hi yexe, a ponisa makume nharhu wa magidi wa vaaka ndhawu lava funengeleke minkumba hi ku vitana kan'we ntseña lava va tweke rito, kutani kwalahaya eka misava leyi a va yime eka yona. Vavasati a va yimile kwalahaya, lava a va nga ambalanga tani hilaha a va ri hakona loko va ta emisaveni, kutani hi xinkadyana xexo loko va yimisile mavoko ya vona ku amukela Kreste...

⁶⁵ Hiloko Moya wo Kwetsima wu wela endzhawini wu hanyisa makume mbirhi-ntlhanu wa magidi wa vanhu hi nkarhi wun'we, va suka eka switulu swa mavhilwa, emasangwini ni swibedwani swo rhwala vavabyi. Meyara wa doroba u ndzi twile, hi siku leri landzelaka, a languta tilodi ta swibebe leti a ti famba hi xitarata.

⁶⁶ Vavasati va vona lava a va yimile kwalahaya, va nga ambalanga, kambe va nga switivi leswaku a va ambalanga. Kambe xikan'we-kan'we loko Moya wo Kwetsima wu tava wu va bile, va khondlile mavoko ya vona va suka va famba laha a kuri ni vavanuna va vona.

⁶⁷ Nakona ndzi le ku hlamatleni leswaku njhani hina eAmerika hi tivitana tiko ra Vakreste, nakona Emahlweni ka Xikwembu; kutani lembe rin'wana na rin'wana hina, vavasati va hina, va ya va ya hluvula. Laha mi fanelaka ku ya mi ambala. Kutani mi ya mi ambala Kreste, loko ripfalo ri ya ri tava ri ri ra xiyimo xa wena. Nkarhi wun'wana ndzi vona vanhu leswi va endlisaka xiswona exitarateni, ndza hlamatla loko va hanye kahle enhlokweni. Swi tikomba va nga ri na mhaka na swona loko va endla sweswo, leswi va swi endlaka, va ti endla vona hi voxu ku luma ka javulosi, niku rhumela mimoya etiheleni. Hi swona sweswo. Kambe misava yile ku onhakeni tani hilaha a yi ri emasikwini ya Yeremiya.

⁶⁸ Sweswi ku tlhelela eka xihlovo, sweswi, xihlovo lexi a xi tshembhelanga ka xona n'wini hikuva a xi swi koti ku ti pfelerisa xona hi xoxe. Kutani xi fanele ku tshembhela eka timpfula ta ndhawu yaleyo leswaku ti ta xi tata, timpfula ta ndhawu yaleyo kumbe timpfuxelelo ta ndhawu yaleyo, leswaku ku va ni ximpfuxelani nyana *lahawani* ni ximpfuxelani *lahaya*, kumbe kuya emahlweni, leswaku xi ta tatiwa. Swingaleswi a xi nge tshembhele eka xona. A xi swikoti ku ti pfelerisa xona hi xoxe. A xi ringananeli, hi vuxona. Xi ngaka xi nga swikoti. Kutani xi fanele ku tshembhela eka timpfula, leswaku ti xi tata.

⁶⁹ Kutani a hi xiyisiseni leswaku xi—xi yi kuma kwihi mpfula, laha xi kumaka kona mati, xihlovo. Ma ta ma huma ehenhla ka madulu, makhuluka, laha ku nga na thyaka hinkwaro ra ku ba ka ritshuri kwalahaya, ri hlantswiwa hi mpfula, ri khulukela exihlobyeni, thangi leri endleke hi munhu. Minkarhi yo tala ri va xidziva xa thyaka. Kutani yi hlantswa ehenhla ka dulu laha swiharhi hinkwaswo, ku nuhwa erivaleni ra madulu, ni swin'wana, swi tshama ehansi. Kutani moyo wu ba e—e ritshurini ni leswi swi nga edulwini, kutani mpfula ya ndhawu yaleyo yi ta yi ta hlantswa, mpfula, yi susa.

⁷⁰ Kutani mati ya rhwariwa hi leswi nga endla hi munhu kuya eka ku pfelela loku ku nga endla hi munhu, kuya eka thangi leri ri nga endla hi munhu. Kutani loko ya fika kwalahaya, ma va ma thyakile, ma thyakile swinene laha u fanelaka ku vekela lapi ro sefa eka wona, kumbe a wu nge swikoti ku manwa. Sweswi, wa wona, ya hlantswa kusukela elwangwini, hi xitsengele lexi xi endleke hi munhu, ku pfelela loku ku endleke hi munhu, ku ya eka thangi leri ri nga endla hi munhu. Kutani wona na lapi ro sefa leri nga endla hi munhu ehenhla ka wona, ku wona leswaku nsiti wun'wani na swin'wana swi tlhelela endzhaku.

⁷¹ Sweswi, sweswi ha xiyisia, endzhaku ka masiku nyana lawa mansongo endzhaku kaloko mati ya tshamile kwalahaya, eka vito leri ri thyiweke hi munhu, kumbe thangi. Ndzi

khomeleni. Ndzi khomeleni. Swikahle. Endzhaku ka—endzhaku ka loko yi hlambisiwile ri suka, ra tinxaka hinkwato ta ntivo-vukwembu ni leswi swi nga khulukela eka xona; sweswi hi ta hi ta lavisisa, loko xi tshamile lahaya masiku mantsongo, ma va mati yo yima.

⁷² Kutani un'wana ni un'wana wa swi tiva, eka matimu ya kereke, loko Xikwembu xi rhumela swin'wana, hungu, kutani ri va ri rintshwa ri huma eka Xikwembu. Kutani endzhaku ka—ka vutomi bya musunguri yaloye, kumbe swin'wana leswi a nga vaka swona; mi n'wi vitana leswaku hi yena rhifoma, kumbe swin'wana leswi mi nga swi vurisaka xiswona ha rona. Endzhaku ka rifu ra yena, kutani va kuma mafambiselo ya pfuxiwile hiloko va endla nhlangano. Kutani tani hiloko va ha endla nhlangano ha sweswo, wu fela kwalahaya. A wa ha kali wu pfuka nakambe. Swi endlekile minkarhi hinkwayo, endzhaku, wu nyuhela lahaya endzhaku.

⁷³ Hi ku xixima muprista wa Khatholiki loyi a nga tshama lahawani; loko Xikwembu xi tava xi kondleterile kereke... kumbe, ku ngari ku yi kondletela, Xikwembu a xi kalanga xi kondletela kereke. A Xi kona eka muxaka wa matirhelo ya lawa. Xi le ka kutswariwa, ku ngari vandla, swingaleswi loko Xikwembu xi tava xi sungurile kereke hi Siku leri a ri ri ra Pentekosta. Kutani ekuheteleleni ehansi eNicaea, a Rhoma, va yi kondleterile, kutani kona kwalahaya hilaha yi nga lahlekeriwa hi Matimba.

⁷⁴ Kutani hi ta eka rhifomexini ya Lutere, nakona a kuri nchumu lowukulu. Rito ra Xikwembu ri nyikiwile, "Lowo lulama u ta hanya hi ripfumelo." Kutani loko va tava va swi endlile, ematshan'wini ya ku swi teka, hinkwavo ka vona, hinkwavo ka vona va yile emahlweni, va endlile kereke ya Lutere va ti ava va suka eka ntlawu lowu, nakona wu vuye wu fa.

⁷⁵ Hiloko Xikwembu xi pfuxa John Wesley, niku kwetsimisiwa, hungu ra ntirho wa vumbirhi wa tintswalo, nakona a kuri nchumu wa kahle. Kambe endzhaku ka Wesley na Asbury, va yi kondleterile, yi fa.

⁷⁶ Kutani ku fika Mapentekostal niku vuyerisela tinyiko. A va endla kahle, ku humelerile yini xana? Va yi kondleterile kutani yi fa. Ntsena kufana.

⁷⁷ Kutani exikarhini xa hinkwaswo leswi, Xikwembu xa ha vitana masalelwa lawa ya humaka eka rin'wana na rin'wana ra tinxaka leti. Xi tano hakunene. Kutani i nkarhi wa hina wa ku huma, wa kuva hi hlengeletana kun'we. Kutani sweswo hi leswi ndzi swi ehleketa, ma Full Gospel Business Men va tlange xiphemu lexikulu xa ku fayeleta makhumphi lawa, niku vula leswaku, "A kuna ku hambana eka hina. A hi teneni kun'we hi ta gandzela Xikwembu ehansi ka nsinya wun'we, ku

ngari ehansi ka vandla.” Loko a kuri vandla, a ndzi tava ndzi sukile eka platifomo sweswi. Ku hava lexi ndzi nga xi endlaka ha wona.

⁷⁸ Xana i yini, swi fanele kuva xinakuloby, ku ngari xinakuloby xa nawu wun’wana wa kereke. Kambe xinakuloby eka Kreste, hi matimba ya ku pfuka ka Yena, hi wona nchumu walowo lowu wu tisaka Vutomi. Byi tisa ku tswariwa.

⁷⁹ Kutani loko ku tswariwa ku nga se fika, hi swi tekela enhlokweni leswaku ku fanele ku va na rifu ku nga se va ni ku tswariwa. Nakona ku tswariwa i thyaka, a ndzi na mhaka ni leswaku i ku tswariwa ka muxaka muni. Loko swi ri ehokweni ya nguluve, kumbe—kumbe kun’wana laha swi nga vaka kona, i thyaka. Kutani swingaleswi i ku Tswariwa lokuntshwa, ku ku endla u endla swilo leswi hi ntolovel a wu nga ta swi ehleketa ku swi endla. Kambe loko u tiyimiserile ku fa wena hi wexe, kutani u tswariwe ra vumbirhi, u va xivumbiwa lexintshwa eka Kreste Yesu, kutani swilo, swa pfuleka ni vutomi byi va lebyintshwa emahlweni ka wena, hikokwalaho ka ku va u amukerile Munhu wa Yesu Kreste, ku ngari swin’wana swa mieheleketo kumbe mikhua.

⁸⁰ Kumbe, hambi kuri eka Rito leri tsariweke, Ri fanele ku hanyisiwa hi Moya wo Kwetsima. A swi na mhaka leswaku u na ntivo-vukwembu ku fika kwihi, wu tlele lahaya wu file. Ndzi nga ha va na koroni yo tala; ku kondza yi fika eka maendlelo lawa yi nga hanyisiwa, nkoroni yi ngaka yi nga hanyi. Nakona u nga hava na digri ya vudokodela, Ph., LL., hambi u nga hava na yini leswi u swi tsakelaka; kambe ku kondza Moya wo Kwetsima wu ta ehenhleni ka sweswo wu ta swi hanyisisa eka wena, tani hi ntokoto wa yumunhu na Xikwembu, kutani koroni a yi kahle. Ku dyondza ka wena i ka hava.

⁸¹ Tani hi munhu loyi wa Munghezi a vuleke madyambu man’wana lahwani, swi ndzi hlamarise ngopfu sweswo. Hinkwako ku dyondza loku a ri na kona, tani hi Paul, a fanele ku rivala hinkwaswo leswi a swi tiva, leswaku a ta kota ku kuma Kreste, a endla swilo leswi a ehleketa leswaku a nge swi endli.

⁸² Kambe yaleyo i ndlela leyi Xikwembu xi endlisaka xiswona, Xa hi nyumisa eka matirhelo ya hina ya dyondzo. Ku ngari hi leswaku ndzi le ku ringetenka ku seketela ku hunisa, kambe ndzi le ku ringetenka kuva ndzi mi byela ku hambana. Dyondzo a yi nge pfuki yi tise Vutomi. Swi teka Moya wa Xikwembu ku tisa Vutomi, nakona Vutomi byebyo a byi humi ntsena hi mpfuxelelo wa vutlharhi. Byi fanele byi huma eBibeleni, mpfuxelelo wa Rito, nakona Rito lero ra hari rona ra tolo, namuntlha, ni hilaha ku nga heriki. Kutani

loko Ri wa namuntlha, ri tlhela ri hanyisa, u kuma mbuyelo byin'we ni lebyi u byi endleke eka Mintirho 2. Hakunene. Swi tano minkarhi hinkwayo, nakona swi ta tshama swi ri tano minkarhi hinkwayo, hikuva i Moya wa Xikwembu lowu wu vekaka moya wa ndhawu yaleyo eka xiyimo.

⁸³ Swi teka moya wa ndhawu yaleyo ku endla swilo. Hi xona xivangelo xa n'wina vavanuna xa kuva midyondzisiwa minkarhi hinkwayo leswaku, "Tisani vana va n'wina haleno." Kunene, hakunene-nene hi swona sweswo. Ndzi tsakile ku vona n'wana wa mina wa xisati, Rebekah, loko a nghena a fika a tshama ehansi, eka timinetse tintsongo leti hundzeke. Van'wana va n'wina mi ndzi vonile loko ndzi n'wi khwenuta hi tihlo wansati loyi, i n'wana wa mina wa xisati, swingaleswi u nghenile a fika a tshama ehansi. Ndzi n'wi lava leswaku a amukela nkhuvulo wa Moya, kutani hi xona xivangelo xa kuva a ri lahawani enhlengeletanwini. Hi xona xikongomelo xa kona xexo. Swi teka moya wa ndhawu ya ley.

⁸⁴ Tani hilaha mukhalabya Doctor Bosworth a tolloveleke ku vula leswaku, "U nga ha teka tandza ra mbhaha u ya ri vekela ehansi ka ximbyanyana, ri ta tlhotlhhorha huku." Hikokwalaho ka yini? Swi hikokwalaho ka kuva kuri tandza ni kuva ri kuma moya wa ndhawu yaleyo wa kahle.

⁸⁵ A ndzi na mhaka hambi i mu-Methodist, Baptist, Presbyterian; eka moya wa ndhawu yaleyo wa kahle, ri ta tlhotlhhorha n'wana lontshwa wa Xikwembu, a koxa Rito. I moya wa ndhawu yaleyo lowu wu swi endlaka, a swikhathaleki leswaku i na thege ya mfungho wa ngati ya njhani ya dinominexini.

⁸⁶ A ndzi toloverile ku byisa tihomu. Ndzi tekerile enhlokweni rhenjas loko hi fanele ku ti khayimela enhoveni, ehandle ka—ehandle ka madyelo eminkambeni, kutani hi ti hoxa enhoveni. U ta yima lahaya a ti hlalela tani hiloko tiya egedeni, efensenai ya hlaluko. A nga kalanga a va na mhaka ngopfu na swisana, hikuva a kuri ni tinxaka hinkwato ta swisana leswi a swi ya kwalahaya. Kambe ku ni nchumu wun'we ntsena lowu a nga wu xiysisa, thege ya mfungho wa ngati. Yi fanele yi va leyi yi nga fuyiwa eHereford hi ku hetiseka kumbe yi ngayi enhoveni yaleyo, hikuva i Hereford Association leyi yi byiselaka enhoveni yaleyo. Yi fanele yi va na thege ya mfungho wa ngati, leswaku yi ta kota ku fuyiwa kahle.

⁸⁷ Kutani ndzi ehleketa leswaku yaleyo hi yona ndlela leyi swi nga tava ha yona hi Siku ra ku Avanyisa. A Xi nge ni yutisi loko a ndzi ri wa Methodist, Baptist, Pentekostal, kumbe Presbyterian, kambe Xi ta languta thege ya mfungho wa Ngati. "Loko Ndzi vona Ngati Ndzi ta hundza eka wena." Hi wona nchumu walowo.

⁸⁸ Swingaleswi hi kuma leswaku swihlovo leswi, endzhaku kaloko swi tava swi tshamile nyana xinkadyana, swi va...swi

va swi ri swa mati yo yima nakona swiva swi nga ha ri kahle. Kutani swivisa xisweswo kwalaho, nakambe, swi va makaya ya swidula na minkolobyana na tinyoka na tinsikiti na switsongwatsongwani, ni swin'wana swo tala, hikuva i xiyimo xa mati lawa yo yima ya swi sukumetelaka eka xona. Mi nga ha swi vona, leswi swi nga khukhuriwa elwangwini ra dulu, kumbe ra yindlu leri ri nga ekusuhi swinene na dulu, kumbe kun'wana na kun'wana laha ku nga na thyaka, i muxaka wihi wa tinsikiti na switsongwatsongwani, ni hi hinkwaswo, leswi swi kumberiwaka eka xihlovo lexi xana?

⁸⁹ Sweswi, i xikombiso lexi xi hetisekeke xa matirhelo lawa ya nga endla hi munhu. Hi yena mutsandzeki, ku sungula hi swona. Hi xona xivangelo xa kuva a lava Muponisi. A ngaka a nga tiponisi yena hi yexe, a ngaka a nga endli nchumu ha swona. U lahlekile, ku sungula hi swona. U tswariwile emisaveni, a ri mudyohi, a ta emisaveni a ri karhi a vulavula mavunwa. Hi yena muhembi, ku sungula hi swona, swingaleswi a nga swikotisa ku yini emisaveni kuva a ti endlela swilo hi yexe xana? Swi nga endlekisa ku yini eka munhu la kwetsimaka xana?

⁹⁰ A kuna munhu la kwetsimaka. Ku hava na kereke leyi kwetsimaka. I Moya wo Kwetsima! Ku ngari kereke yo kwetsima, vanhu vo kwetsima; i Moya wo Kwetsima exikarhini ka vanhu, sweswo hi leswi swi nga xiswona. Amen. Kungari entshaveni yo kwetsima leyi Petro na vona va nga yima eka yona; ntshava a yi nga kwetsimi. Kambe i Xikwembu lexi kwetsimaka, entshaveni, lexi xi nga yi endla leswaku yi kwetsima. Ku ngari munhu la kwetsimaka; i Moya wo Kwetsima wu nga tirhisawa eka munhu yaloye, loyi a nga yi endla yi kwetsima. Ku ngari munhu; kambe Munhu wa Moya wo Kwetsima! A hi munhu; hikokwalaho ka, kuva ntsena a ri wanuna, “u tswaleriwile evudyohweni, a vumbiwa evubihini, a ta emisaveni a ri karhi a vulavula mavunwa.”

⁹¹ Matirhelo wahi kumbe wahi lawa ya nga endla hi munhu ma ta n'wi endla a tshama kwalahaya ka wona; u tava bofu eka nchumu wa vutlharhi, vutlharhi bya mahlo, leswi va swi ehleketa, “Ndzi nghena kereke, vito ra mina ri le bukwini. Ndzi endlile *leswi*. Tata wa mina a ri xi *leswi*, ni kuya emahlweni.” Sweswo swi twakala swi ri kahle; laha, swi nga tano, ku hava lexi hi nga xi vulaka xo lwisana na swona. Kambe hambi swi ri tano, munghana, Yesu u teri, “Handle kaloko munhu a tswariwa ra vumbirhi, a nge voni hambi kuri ku vona,” *wa vona*, kwalahaya, a swi nga vuli leswaku u vona hi mahlo ya yena, kambe, “*ku twisisa Mfumo wa Tilo.*” Ku kondza u tswaleriwa eka wona!

⁹² Swi nga endlekisa ku yini eka muevhangelio loyi wa Baptist, swi nga endlekisa ku yini eka wanuna loyi a nga yima lahaya a

sandza niku tlhela a Ri hleka xana? Wa vona, ku hava nchumu eka yena lexi xi nga endlaka leswaku a Ri amukela; kambe Xikwembu xi fanele ku swi endla, wa vona. Xikwembu xi n'wi nyikile Moya wo Kwetsima. Xi swi kombisile leswi leswaku a hi vutikukumuxi, leri i Rito. Ntsena u swi twile eka miehleketo yale xikolweni, nakona va ringeta ku teka hinkwayo—hinkwayo minkateko ya Xikwembu va yi veka eka siku leri nga hundza.

⁹³ Muchumayeri lontsongo wa Baptist, kwalahawani ku ngari khale ngopfu, a ri kwala a tshamile emixwени lowu; kutani u tile eka mina, hiloko a ku, “Makwerhu Branham, ku ni nchumu wun’we lowu i wu endlaka lowu nga hoxeka.”

Ndzi ku, “Ndzi pfune.”

⁹⁴ Hiloko a ku, “Wa pfumela, ndza pfumela leswaku u tshembhekile u tlhela u va munhu wa kahle, kambe . . .”

Ndzi ku, “Ndza ku khensa, nkulukumba.”

A ku, “Kambe ku ni nchumu wun’we lowu u wu endlaka wo hoxeka.”

Ndzi ku, “Ndzi pfumela leswaku Hosi yi nga kuma nchumu wun’we lowu nga hoxeka.”

⁹⁵ Hiloko a ku, “Kunene, ku ni . . . Leswi hi leswi u swi endlaka leswi nga hoxeka.” A ku, “U ringeta ku tivisa misava hi vutirheli bya vuapostola, nakona,” a ku, “vutirheli bya vuapostola byi hundzile na vaapostola.”

⁹⁶ Ndzi ku, “Tani hi mu-Baptist eka mu-Baptist, ndzi navela ku ku vutisa xivutiso.”

A ku, “Yini?”

⁹⁷ Ndzi ku, “Wa pfumela leswaku Rito ra Xikwembu ri lo huhuteriwa xana, xiphemu xin’wana na xin’wana xa rona?”

A ku, “Hikokwalaho ka yini, hakunene-nene.”

⁹⁸ Ndzi ku, “Kutani, U teri, ‘U nga engeteri rito rin’we, kumbe ku susa Rin’we.’ Hikuva,” ndzi ku kwalaho, “ndzi ta ku kombisa laha Minkateko ya vaapostola yi taka evanhwini, hi xitssembhiso xa Xikwembu, sweswi u ndzi kombeta xitssembhiso xa Xikwembu ni loko xi sukile evanhwini. Wa vona, loko u nga swi kombeti sweswo eRitweni, swingaleswi—swingaleswi rivala ha swona, wa vona,” ndzi ku, “hikuva Ra ha ya emahlweni.”

⁹⁹ A nga kalanga a vula nchumu xinkadyana nyana. Kutani ndzi ku, “Kunene, manuku, makwerhu, ndzi tsakela ku ku vutisa leswi. Petro u tivisile hungu ra xiapostola, hi Siku ra Pentekosta. Kutani ha swi tiva hinkwerhu leswaku i ntiyiso walowo, hikuva a ri ni swikhya swa Mfumo, leswi Yesu a nga n’wi nyika swona. Kutani sweswi vona leswi a nga swivula. A ku, ‘Hundzukani, un’wana na un’wana wa n’wina, kutani

mi khuvuriwa hi Vito ra Yesu Kreste eku khomeriweni ka swidyoho, kutani mi ta amukela nyiko ya Moya wo Kwetsima. Hikuva xitshembhiso xi le ka n'wina, nile ka vana va n'wina, ni lava va nga ekule na swona, hambi kuri lavo tala lava Hosi Xikwembu xa hina xi nga ta va vitana.' Kutani loko kuri na ndhawu laha A nga ri susa, manuku ku humelele yini hi marito ya Petro hi siku ra Pentekosta?" Wa vona? Ee, a xi kalanga xi hundza!

Wena Xinyimpfana lexi faka, Ngati ya Wena
leyo hlawuleka
Yi ngaka yi nga heli Matimba,
Ku kondza Kereke hinkwayo ya Xikwembu
leyi yi kutsuriwaka
Yi ponisiwa, yi nga ha dyohi nakambe.
Kutani eka ro hlawuleka, risimu ro
tsokombela,
Ndzi ta yimbelelela Matimba ya Wena yo
ponisa,
Loko xirimi lexi xa vusiwana, ririm i ra
manghanghamele
Ri etlele ri timiyelerile esirheni.

¹⁰⁰ Xikwembu ndzi pfuni ni pfumela eka Sweswo niku khomelela eka Rona, ni hinkwerhu ka hina, kutani hi ti seketela hi Rona, hikuva hi Rona Evhangeli ya Ntiyiso! Ina, nkulukumba.

¹⁰¹ Munhu wo thariha a nga swi languti swilo leswi. Hi ku tiva leswaku swi ngaka swi nga tirhi. A swi kalanga swi tirha. Vukhongeri lebyi nga kondleteriwa ni ntokoto lowu wu nga kondleteriwa swi ngaka swi nga tirhi eVukoneni bya Xikwembu. Ri fanele ku ta, ri nga hungukiwanga, ri huma eka Xikwembu. A swi kalanga swi tirhiswa hi Xikwembu, ku hava na wun'we eka minkarhi leyi nga hundza laha Xikwembu xi nga tshama xi tirhiswa matirhelo ya lawa. Sweswi n'wina, oho, mi kuma timembara ni swin'wana swo kotisa sweswo. Kambe ndzi vula mbewu ya xiviri ya Xikwembu, Minkateko tani hilaha yi nga wa hi Siku ra Pentekosta, a yi kalanga yi ta hi nhlangano; yi ta hi ku tswariwa, kuva u tswariwa ra vumbirhi.

¹⁰² Hi rhambiwile leswaku hi teka Israel tani hi—hi xikombiso, leswi a vari xiswona. Xiyisisani, "Va Xi tshikile, xinseledyana lexi a va nyikiwile xona, kutani va ti handela swihlovo leswi nga swa vona." Mi nga ha wu vona e—e—e—e nchumu, loko munhu a ri eka pitsi leyi pfelelaka, a nwa, kutani a lava ku ti endlela xihlovo xa yena, wa vona, a ta nwa eka xona? Swingaleswi sweswo hi leswi swi nga vula hi muprefeta, sweswo hi leswi Rito ra Xikwembu ri nga swivula. Sweswo hi leswi Xikwembu xi nga swivula eka muprefeta. "Mi Ndzi

tshikile kutani—kutani mi Ndzi siya, mina xinseledyana xa mati lawa ya pfelelaka; kutani mi ti handela swihlovo swa n'wina, leswi nga handzuka, nakona swile ku pfuteni.”

¹⁰³ Mi vona swin'wana. Va lavile swin'wana leswi va nga ta kota ku swi lawula, kumbe ku kombisa leswi va swi endleke. Byebyo i—i vumputa bya vukhongeri lebyi nga kondleteriwa. Minkarhi hinkwayo byile ku ringeten, vafanele kuva ni swin'wana leswi nga swa vona n'winyi. Vafanele va va ni hinkwawo matirhelo lawa ni swisayiti, ni swin'wana, “Kutani ni nghena eka *leyi* sweswi.” Ematshan'wini ya kuva ntsena vana va Xikwembu lava titsongahata, va lava swin'wana leswi va nga ta kota ku swikombisa vona hi vox. Ematshan'wini yo tshika Xikwembu xi ti tirhela ndlela ya Xona, va lavile ku yi endla hi ndlela leyi yi nga ya vona. Hi yona ndlela leyi matirhelo ya nga kuma kereke namuntha. Ku ngari... Matirhelo man'wana na man'wana, van'wana va ma lava hi ndlela *leyi*, van'wana va ma lava hi ndlela *liyani*. Loko u ri wa Methodist, u boheka kuva hi ndlela *leyi*. Wa Baptist, hi ndlela *leyi*. Wa Presbyterian, Khatholiki, ni tin'wana to tala, va ni matirhelo ya vona. Ku hava leswi swi lvisanaka na swona, kambe sweswo a hi swona leswi ndzi vulavulaka hi swona.

¹⁰⁴ Vanhu va lava ndlela leyi yi nga ya vona yo swi endla, ni Xikwembu xi ni ndlela leyi nga ya Xona yo swi endla. Kutani Xi ku, “Mi khomelerile eka ndlela ya n'wina, xihlovo lexi handzukeke; kutani a mi pfumeli ku amukela ndlela ya Mina, ndlela ya Vutomi.”

¹⁰⁵ Kutani walowo i nchumu wun'we ni lowu wu nga kona namuntha. A wu kalanga wu hambana na kantsongo. Ehleketa hi vumphuta bya munhu loyi a sukelaka xinseledyana lexi xi pfelelaka xa mati yo basa yo tengalawa ya maboboma, kutani a lava kuya eka xihlovo lexi xi nga handzuka lexi a nga ti endla yena n'winyi, kutani a ticelela xihlovo yena n'winyi, ni thyaka leri a ri ri ehenhla ka dulu ri khulukela eka xona, kutani a ya nwa eka xona. Ku ni swin'wana swi nga hoxeka enhlokweni ya munhu yaloye.

¹⁰⁶ Kutani loko munhu a nga namarhela eka—eka mianakanyo leyti yi nga ya kereke eka Matsalwa, ematshan'wini yo amukela Moya wo Kwetsima lowu wu tiyisisaka vumbhoni bya Matsalwa niku Ma endla ya va ya xiviri eka wena, ku ni swin'wana swa ximoya swi nga hoxeka eka munhu yaloye. Sweswo hi swona hakunene. Hakunene, Moya wo Kwetsima! Un'wana na un'wana u ni mahlamuselelo ya yena ya Bibele ya vona, leswi u swi ehleketa u ri hi swona. Xikwembu a xi kali xi lava ku pfuniwa hi n'wina. Xikwembu a xi kali xi lava ku tolokeriwela hi n'wina.

¹⁰⁷ Xikwembu hi xona xi ti tolokelaka xona N'winyi. Xikwembu xa titolokela hi ndlela leyti Xi—hi ndlela leyti Xi

vulaka leswaku Xi ta swi endla. Hosi yi teri emasunguleni, “lahaya a kuve niku vonakala,” kutani lahaya ku vile niku vonakala. Sweswo a swi nga kali swi lava ku tolokeriwa. Sweswo hi leswi Xikwembu xi nga swi endla. Xi teri “wanhwana u ta tika,” u swi endlile. Sweswo a swi kali swi lava ku tolokeriwa. Xi teri Xi ta “chela Moya wa Xona ehenhla ka nyama hinkwayo,” Xi swi endlile. A swi nga kali swi lava ku tolokeriwa. Xikwembu xi hlamusela Rito Leri ri nga ra Xona hi ku Ri tiyisisa, niku Ri kombisa, ni ku Ri khorhwisa.

¹⁰⁸ Sweswo hi leswi muprofeta a nga khorwisisiwa leswaku i wa Xikwembu. U teri, “Loko ku nga va kuri ni un’wana exikarhini ka n’wina, loyi a nga wa ximoya kumbe muprofeta, Mina Hosi Ndzi ta ti tivisa eka yena hi swivono, ndzi vulavula na yena hi milorho. Kutani leswi a nga ta swivula swi ta humelela, kutani n’wi chaveni; kambe loko swi nga vi tano, mi nga swi endli.”

¹⁰⁹ Sweswo swa fana ni loko Xikwembu xi vulavula Rito ra Xona, kutani wanuna a ku, “Rito hi *Leri*,” kutani swi humelela hi ndlela yaleyo, kutani i Xikwembu xi swi endlaka.

¹¹⁰ Kambe loko a ku, “Ri hi ndlela *leyi*, kutani masiku ya fambile,” hikokwalaho ka yini swi teka hinkwaswo ka... U fikelela la nga nindlala ya vuswa, evokweni ra yena, eka vana, kutani u va tekela xona; kutani vasungula ku sika. Hikokwalaho ka yini mi lava ku nwa exihlobyen'i loko xinseledyana lexi xi pfelelaka xi ri kona lahaya xana?

¹¹¹ Xana i ncini xihlovo xa Vutomi sweswi? Xana i ncini xihlovo xa Vutomi, xihlovo xa Mati lawa ya pfelelaka? Xinseledyana xa mati lawa ya pfelelaka, hi ta tsakela Xona.

¹¹² Sweswi ndzi mi lava mi tekela enhlokweni ku hambana ka xihlovo xa mati lawa ya pfelelaka; xinseledyana xa mati lawa ya pfelelaka, ni xihlovo xa khale lexi nga handzuka lexi xi nga tala hi tinsikiti, minkolombyana, swidula, switsongwatsongwana, ni swin’wana swo tala, wa vona.

¹¹³ Kutani hi lexi xinseledyana lexi xi pfelelaka. Sweswi langutani leswi. Xi ti pfuna hi xoxe. A mi fanelanga ku kuma matirhelo yan’wana lamakulu kutani mi nghenisa mali yo tala hi wona. A mi fanelanga ku joyina vunyingi bya timembara. Xi seketela timembara ta xona, ta Moya wa Vutomi lowu nga eka vona, wu tirhaka.

¹¹⁴ Xiyisisani mati lawa ya humaka eka xona, i mantshwa, lawa ya tengeke ya tlhela ya basa. Ku ngari xihlovo, swin’wana swa leswi swi nga yima leswi swi nga hi xidukumente hi mune wa makume, miehleketo ya makume ntlhanu yo hambana, leyi nge, “Leswi hi *swona*, na *sweswo* hi *swona*, kutani *leswi* i vuxisi,” mi tlhela mi endla nhlawulo ni ku huwelela, kutani tani hiloko va endla tano, hiloko va endla dinominexini ha

swona. Ri tengile ri tlhela ri basa, Rito ra Xikwembu leri nga hungukiwangiki, ri huma evokweni ra Xikwembu. Hi rona xihlovo lexi xi pfelelaka.

¹¹⁵ Xiyisisani, xihundla xa matimba ya xona xile ka xona n'winyi. Munhu a ngaka a nga xi kumi. Ntshikelelo wa muxaka wun'wana, entshakwini ra xona, hi wona wu xi endlaka xi maphuxela ehenhla.

¹¹⁶ Ndzi tsundzuka loko ndza ha, toloverile kuva, ndza ha ri mutirhela mfumo wo rindza swiharhi eIndiana. A ndzi toloverile ku famba hi le kusuhi, eHarrison County, xinseledyana xin'wana, ximbyarimbyari. Xi tshama xi ri karhi xi humesa mati minkarhi hinkwayo. Kutani ntsena, oho, xi languteka xi ri nchumu lowu wu tsakeke hakanyingi. Hambi gamboko yile hansi, ayisi, yi frizile, xititimela njhani, xa ha humesa maboboma; laha swidan'wana swa khale leswi swi nga endla hi vanhu na mathangi, na swidula na swin'wana na swin'wana, swi ri kwalahaya swi frizile, swi omile.

¹¹⁷ Kutani sweswo swi ya swi kombisa leswaku dinominexini yin'wana na yin'wana, hi ku pfuta kantsongo ka Moya kumbe ku ncinka nyana ka moya wa ndhawu yaleyo, yi ta friza. Kambe xihlovo xa Xikwembu lexi xi pfelelaka, wa ha ri Yena—wa ha ri Yena tolo, namuntha, ni hilaha ku nga heriki. Xi endla leswaku hinkwaswo swi pfelela swi humela ehandle hi maboboma eka xona swi choforiwa swi suka eka xona. Nakona a kuna nchumu kwalahaya, ku sungula hi swona. Hi xinkadyana lexi swi nghenaka eka xona, swi ta sukumeteriwela ehandle swi suka endleleni.

¹¹⁸ Nchumu walowo a wu humesa maboboma hi ndlela yaleyo, hiloko ndzi ku, ku tshama ehansi kwalahaya siku rin'wana, ndzi ehleketa, "Ndza pfumela leswaku ndzi ta vulavula na ximbyarimbyari xexo, ntsena xinkadyana." Ndzi hluvurile xihuku xa mina, hiloko ndzi ku, "Xana u tsakele yini? Hikokwalaho ka yini u humesa maboboma? Kumbexani swi hikokwalaho ka tindhakazi ti nwaka eka wena, kan'we hi xinkadyana."

Loko a nga vulavula, a tava a teri, "Ee."

Ndzi ku, "Kumbexani swi hikokwalaho ka kuva ni nwile eka n'wina."

"Ee, sweswo a hi swona."

¹¹⁹ Ndzi ku, "Kunene, i ncini lexi xi ku endlaka leswaku u va u tengile, u basile? Swingaleswi i yini—i yini swi endlaka maboboma, leswi swi ku endlaka leswaku u va boboma, u tele hi ntsako nkarhi hinkwawo, kutani kuri hava lexi xi ku frizisaka xana? U haxeka ehenhla emoyeni, nakona kuri hava nchumu; mati yo tenga."

¹²⁰ Loko a xi tava xi vulavurile na mina, maswitiva leswaku xinseledyana xexo a xi tava xi vule yini? A tava a teri, “Makwerhu Branham, a hi mina ndzi endlaka maboboma. Hi swin’wana swi nga etlhelo ka mina, swi ndzi endlaka boboma.” Kutani yaleyo hi yona ndlela leyi swi nga xiswona. Lero i rito ra vusiwana, kambe maswitiva leswaku ndzi vula yini.

¹²¹ Kutani yaleyo hi yona ndlela ya ntokoto wa loyi a nga tswariwa ra vumbirhi. A wu nge swikoti kuva na xona. I xi—xi xinseledyana xa mati lexi xi nga eka wena, xi endlaka maboboma eka Vutomi lebyi nga heriki. Wa vona, ku ni swin’wana ha xona, leswi u nga taka u nga endli nchumu ha swona. Tiyinkhwu leti nga endla hi munhu ta friza, kutani ti tikombelela mpfuxelelo na swin’wana; kambe munhu loyi a nga ehansi ka Xihlovo xexo, la hanyaka endzeni ka Xihlovo xexo, i vusiku ni nhlikanhi! Ee, a wu fanelanga ku rindzela timpfula ta ndhawu ya leyo na mimpfuxelelo ya ndhawu yaleyo. U tatiwile hi Yona. “Ndzi ta nyika eka yena xihlovo xa Vutomi, eka yena, xi endla boboma.” Ku ni swin’wana eka Xona, leswi swi nga swintshwa masiku hinkwawo, leswi nga tengi swi tlhela swi basa. I Rito ra Xikwembu leri nga hungukiwangiki embilwini ya wena nale non’weni, ri tikombisa Rona hi roxe, ri ti vulavulela Rona hi roxe. A ndzi na mhaka ni leswaku ya na, hambi ku na gamboko, hambi i maxelo ya njhani lawa ya nga kona, wa ha tsakile hikuva Moya wo Kwetsima wu le ndzeni kwalaho wu endla maboboma. I Matimba lawa ya tumbetiweke. Xiyisisani. Oho, xihundla xa xona xile ndzeni ka xona.

¹²² Xo tinyikela xona hi xoxe, xi ntshunxekile, eku loyi a nga ta nwa niku tirhisa switirhisiwa swa xona. Sweswi mi ngaka mi nga pambuli, mi ku, “Kunene, sweswi ntsena ndzi lava kuya eka kereke ya Methodist hikokwalaho ka kuva ni ri wa Methodist, kuya eka mpfuxelelo. Ndzi fanele ndzi ya *lahawani*, kambe (loko) ndzi lava kuya eka Pentekostal hikokwalaho ka kuva ni ri wa mpfuxelelo wa Pentekostal.” Ndza mi byela, loko u nga kuma xinseledyana xexo xa Mati lawa ya pfelelaka, Xihlovo xexo, loko u nwa eka xona kwalahaya, a kuna ku hambana, u kela xin’wana na xin’wana lexi xi hundzaka hi le kusuhi. U na ku tsakela ka ku nyika ku tshembhela ka Vutomi bya Khatholiki, eka Muprotestant, eka Muyuda, eka loyi a nga pfumeriki, kumbe swin’wana leswi nga vaka swona. Hakunene-nene, u na Swin’wana hakunene-nene leswi nga eka wena, leswi swi swi endlaka.

¹²³ Mi xiyisia nchumu wun’wana ha xona, a swi kali swi lava leswaku mi xi mpopa. A swi kali swi lava leswaku mi xi koka, ni ku xi mpopa. Ndzi vone swo tala swa sweswo ku kondza swi fikaka laha swi ni hlambisaka timbilu, ku mpopa swin’wana; ku tlanga ntlawa wa vunanga, ni ku tlulela ehenhla nale

hansi, kumbe—kumbe ntlawa lowukulu lowu nga dyondza wu humaka edorobeni, na masingita ya kahle lawakulu, “Wanuna wa nkarhi.”

¹²⁴ Kova ni Wanuna un’we ntsena wa nkarhi, nakona yaloye i Yesu Kreste, Loyi a nga yena tolo, namuntlha, ni hilaha ku nga heriki. Ku ni Murhumiya un’we ntsena la humaka eka Xikwembu, nakona yaloye—yaloye i Yesu Kreste. Ina, nkulukumba.

¹²⁵ A mi fanelanga ku ximpopa Lexi, kumbe ku Xi kokela ehansi. Kumbe, ku ngari ku, a mi fanelanga ku Xi joyina. Wa Xi teka ntsena, hi ku ntshunxeka. Amen. “Ndzi Xihlovo xa Mati lawa ya pfelelaka; mi Ndzi tshikile, mi ya mi ya tiendlela tiyinkhwa ta n’wina.” Kutani a mi fanelanga ku Xi mpopa, ku Xi mpopa, ku Xi koka, niku Xi joyina, ku Xi cela, kuhava swin’wana. Ntsena wo fanela ku Xi teka, hiku ntshunxeka.

¹²⁶ A mi kali mi lava ntivo-vukwembu lebyi byi nga endla hi munhu leswaku byi va gume leri ri sefaka, hambi, kuri ku mi byela leswaku ku famba yini eka Rona, leswi Ri nga swi endla. Ku hava. Ntivo-vukwembu byin’wana lebyi byi nga endla hi munhu bya matirhelo yan’wana ya dyondzo, vukhongeri lebyi byi nga bya wena lebyi lulameke eka *leswi*, eka *leswi*, kumbe xihlovo xin’wana xa matirhelo ya vukhongeri; a mi kali mi lava sweswo. A xi fanelanga ku va kona lahaya. Loko u vekela gume eka Xona, Xi ta ri cukumeta ri papamala emoyeni. A xi na ntirho na rona. Xi ti seketela hi xoxe! I Matimba ya Xikwembu ya endlaka vumbayari-mbyari bya Vutomi. Xana munhu a nga sukela njhani nchumu wo kotisa Walowo, a ya joyina matirhelo, swi tlula leswi ndzi nga swivulaka. A xi kali xi lava magume yo sefa. A xi kali xi ri lava. A xi kali xi lava kuva tano, a xi kali xi lava ku tshembhela eka timpfula ta ndhawu yaleyo leswaku xi tatiwa. Xi tshama xi tele nkarhi hinkwawo. Amen.

¹²⁷ Vanhu, ndzi va twa va ku, “Ndzi le ndzeni ka tindhundhuma namuntlha.” Oho, mina!

¹²⁸ Oho, ndzi tsakile kuva ni hanya eVukoneni bya Xikwembu, hambi swilo swi famba kahle kumbe a swi fambi kahle. Hi Xona Vutomi bya mina. Amen. Hi Xona Vutomi bya hina. Hi Xona Vutomi, Vutomi hi xitalo. Ina, nkulukumba. Nakona—nakona langutani leswi Xi nga hi endlela swona. Matimba ya xona niku tengatengi swi le ka Xona. A xi kali xi lava nkulukoko wo huma exihlobenyi kumbe eka matirhelo yan’wana.

¹²⁹ Un’wana a ku, “Kunene, ri kwihi khadi ra wena ra nhlanganyelo? A hi voni loko u ri mu-Baptist wa kahle. Ndzi ta vona hiloko u ri na khadi. Kumbe—kumbe, u ri mu-Pentekostal wa kahle, loko u ri mu-Oneness, Twoness, Threeness, kumbe—kumbe tin’wana to tala.” Wa vona, a Xi kali xi lava nkulukoko. Xa famba minkarhi hinkwayo. Ina.

¹³⁰ Maswitiva, a ndzi tolloverile kuva na xona xihlovo lexi xa khale, a ndzi fanele ndzi chela mati kwalahaya ni makhulukisa ni makhulukisa ni makhulukisa, hi mpopo leyi ya khale yo an'wa, leswaku ya huma kwalahaya; maswitiva, ni chela mati man'wana yo tala nyana eka xona, niku chela ntlawa wa tinsikiti ni swin'wana endzeni, ku mpopa ku huma tinsikiti ni swin'wana. Sweswo ntsena swi yelana ni matirhelo lawa ya timpfuxelelo leswi ya nga xiswona.

¹³¹ Kambe, hi khensa Xikwembu, “Ku ni Xihlovo lexi nga tala hi Ngati, laha vadyohi va nga nyupela endzeni ka ndhambhi!” A mi fanelanga mi va swirho swa kereke; mi va Vakreste lava va humaka eka vona loko va ta eka Xihlovo xexo.

¹³² Hikokwalaho ka yini mi fanele ku tshika Xihlovo xa mati lawa ya pfelelaka, mi ya nwa exidan'wanini xa thyaka ro fana na lero xana?

¹³³ A ku na ku mpopiwa; Matimba ya le ndzeni ka xona n'winyi. A Xi kali xi lava nkulukulu, ina, nkulukumba, hikuva (Xona hi xoxe) Vutomi Lebyi byi nga bya Xona byi le ka Xona n'winyi. Yaleylo hi yona ndlela leyi mbewu ya Xikwembu yi nga embilwini ya munhu. Vutomi bya Xikwembu byile ndzeni ka munhu a ri un'we, ku ngari ekerekeli. Eka n'wina, byile ka n'wina, mi van'wana lava va nga na mbewu ya Vutomi eka n'wina.

¹³⁴ Ntsena ku ringa kan'we eka Xona xi khorwisa tinxaka hinkwato ta vafundhisi. Vutisa muprista wa Khatholiki, vutisa wa Baptist, hambi ku ngava mani. Ntsena ku ringa kan'we mati lawa yo tengya ya kahle lawa ya pfelelaka, ndza mi byela, xa khorwisa leswaku Xi Ntiyiso. Moya wa wena lowu nga na ndlala, hi ndlela yin'wana, xi khorwisa na torha, hi ndlela yin'wana. Sweswi loko u nga ri na torha... Mu-Baptist loyi lontsongo, a nga ri na torha, ku sungula hi swona; kambe loko a tava a vile na torha, mati lawa a ma ringeke machavisa kahle. Hi swona sweswo, kambe mi fanerile kuva na torha, “torha leri ri katekisiweke,” tani hilaha Yesu a swivuriseke sweswo. “Ku katekile n'wina mi nga ni ndlala ni torha ra leswo lulama, hikuva mi ta xurha.” Kutani Yesu u vule sweswo, munghana. Ina, nkulukumba, i Xihlovo lexi Xi nga katekisiwa eka torha.

¹³⁵ Hikokwalaho ka yini un'wana a lava ku Xi ncincela eka nhlangasi? U nga swi tsakela njhani ku ncinka xinseledyana xa mati lawa ya pfelelaka u xi ncincela eka mati ya hlangasi, lawa ya nga tala hi tinsikiti ni manyala ya tinxaka hinkwato ta tidyondzo ta miehleketo leti ti nga endla hi munhu, laha Xikwembu xi nge teri, “Ku engetela rin'we eka Rito ra Xona, kumbe ku susa rin'we eka Marito ya Xona, xiphemu xa yena xi ta susiwa eBukwini ya Vutomi”?

¹³⁶ Kutani loko Xikwembu xi tshembhisile leswaku Xi ta tiyisia Rito leri eka rixaka rin'wana na rin'wana, “Hikuva

xitshembhiso xi le ka n'wina ni vana va n'wina, na vona lava va nga ekule na swona, tani hi votala lava Hosi Xikwembu xa hina xi nga ta vitana," hikokwalaho ka yini u fanele ku mpopo eka mpopo yin'wana ya matirhelo lawa ya nyamisiweke ku ringana malembe, lawa ya humaka eka mana yan'wana ya khale xana? Kumbexani mana a ya ri kahle, ku hava lexi xi lwisanaka na wona, emasikwini ya Martin Luther, emasikwini ya *leswi* ni le masikwini ya *sweswo*, ni varhifomasi van'wana, a kuna nchumu ha swona; kambe yalawa i mana lawa ya nga ya khale nkarhi lowu nga hundza.

¹³⁷ Loko hi nga swi xiyisia eBibeleni, leswaku a va fanele ku ya rhwalela masiku hinkwawo. A va fanele ku kuma mantshwa. Endzhaku kaloko ya ri ya khale, ya borile. Ya ngaka ya nga boli ya nga hlahleleleki. Ya fanele ya va na xiborisi eka wona, kumbe swin'wana leswi swi—swi nga ta endla leswaku ya bola. Ha swi tiva leswaku sweswo hi swona.

¹³⁸ Hi leswi nga xiswona hi matirhelo! Endzhaku kaloko ma vekiwile lahaya kusuka eka mpfuxelelo wun'wana wa kahle kuya eka wun'wana, kutani wu nyamisiwa wu tlhela wu va wu tele hi tinsikiti, kutani ku kotisa xihlovo lexi xi nga tala hi va n'wa thamuthamu va mincila, tani hilaha hi tolloveleke ku swi vorisa xiswona, swisikitani leswi swi thamukaka kwalahaya ndzeni.

¹³⁹ Kutani sweswo hi swona swi nga na vanhu votala lava va nga na ntokoto namuntlha. Va—va tatiwe hi va n'wa thamuthamu va mincila, vathamuka kusuka kun'wana va ya kun'wana, ni kusuka ka un'wana kuya ka un'wana, va ri karhi va vula mintsheketo leyi yi nga riki ni Ntiyiso eka yona. Hiswona sweswo, kuthamuka u huma eka yin'wana kuya eka yin'wana. "A ndzi ri wa Methodist; ndzi joyinile Baptist. A ndzi ri wa Khatholiki; ndzi yile ndzi ya va *leyi*. Ndzi yile ndzi ya va *liya*." Kova ntsena va n'wa thamuthamu va mincila. Oho, rivala hi swilo hinkwaswo!

¹⁴⁰ Kutani hi ta eXihlobeni, amen, Xinseledyana xa mati lawa ya pfelelaka, lexi xihanyaka hilaha ku nga heriki eVukonemi bya Kreste! Ndzi n'wi pfumela leswaku hi Yena Xihlovo xa Vutomi lexi nga phyiki. Mi kuma swo tala eka Yena, ku tengu loku xiku kumaka, niku titimela loku xi ku kumaka, niku antswa loku xi ku kumaka, ni hilaha xi tsokomberisaka xiswona loku u xi ringa. A ndzi ri eku N'wi tirheleni sweswi ku ringana makume nharhu-nharhu wa malembe, kutani siku rin'wana na rin'wana xi ya xi nyanya hi ku tsokombela ku tlula siku ro sungula. A ndzi kalanga ndzi... U teri u ngaka u nga ha khomiwi hi torha nakambe loko hi nga nwa Mati lawa. Xiyisisani leswaku Xi kahle njhani. Oho!

¹⁴¹ Israel ri endle leswi swi endlaka hi votala namuntlha, va tshike xihlovo xa mati lawa ya pfelelaka, va ya ti handela swihlovo swa vona.

¹⁴² Sweswi loko hi vulavula hi tintswalo xinkadyana, laha ku nga tintswalo ta Xikwembu. Hi ni milawu ni milawu leyi hi nga ka yona, "Kutani loko u nga wu pimi mpimo lowu...ndzi ni rihlanga leri pimaka vukhongeri; loko u nga byi pimisi xiswona sweswo, u fanele ku endla tano, a wu nge swikoti ku nghena," ni kuya emahlweni. Kambe Xikwembu xi hi ponisa hi tintswalo, ku ngari hi rihlanga ro pima. Wa vona? Kambe Xikwembu, loko hi vulavula hi tintswalo sweswi, ntsena hilaha leswi swi kumeka swi humelela, ku nwa eka Yena. Kusukela eka rihlanga leri ro pima . . .

¹⁴³ Ku dumaduma, ku dumaduma ka Israel. Langutani, Xi ku, "Ndzi ta mi endzela nakambe." Xiyisisani eka Matsalwa. Xiyisisani, Xi ya eku va ringeten, hi ku va endzela nakambe. Israel leri ri dumadumaka, eLwandle ro Tshwuka, ri rhambiwile Xi landzelela kusuka eka mati yo yima ya va-Egipta, leswaku va va vanhu lava va tshunxekeke. A vari mahlonga. Va rhambiwile leswaku va tava vanhu lava va ntshunxekeke, na Xona. Va huma eka lwandle ra ku fa, lwandle ra ku fa; Lwandle ro Tshwuka, kumbexani, va huma eka rona, va ya emananga, leswaku va ya tisa ku avana exikarhini ka vona na va encenyeti lava va ringetaka ku swi encenyeta, va nga yimbanga.

¹⁴⁴ Oho, sweswo hi swona swi nga vanga khombo. Un'wana na un'wana wa vona u lovele eman...kumbe kona—kona elwandle, Faro na vuthu ra yena. Va vonile swivumbiwa swa ximunhu swi famba hi Matimba lawa ya nga riki ya ntumbuluko, swingaleswi vatlhelele endzhaku va ya ringeta ku swi encenyeta sweswo, va nga kalanga va katsiwa eka mikateko. Kutani loko va tava va swi endlile, va lovile. Kova ku encenyeta ka xinyama.

¹⁴⁵ Munhu loyi a ringetaka ku swi endla sweswo, ku ringeta ku encenyeta swin'wana, kutani u le ku endleni ka ku encenyeta ka xinyama ka Mukreste wa xiviri.

¹⁴⁶ Makwerhu wa mina wa Mukula lahaya wa switiva sweswo. Fika a Bombay kutani u ta va vona vanhu kwalahaya, ma-Hindu ni van'wana, va pavalarile ehenhla ka swipaki nile henhla ka...va famba ehenhla ka tinghilazi ni—ni ku famba endzilweni, ku kombisa leswi va nga swi endleka, ni swilo swo fana ni...Sweswo kova ku encenyeta ka xinyama ka munhu un'wana wa le ndzhaku lahaya ekhwatini, u endla sweswo leswaku kuva gandzelo ra xikwembu xa yena.

¹⁴⁷ Hi kuma sweswo exikarhi ka hinkwabyo vutomi bya vukhongeri, va encenyeti va xinyama, un'wana u ringeta ku fana ni un'wana. Ku ni xikombiso xin'we ntsena lexi mi fanelaka kufana na xona, xexo i xa Yesu Kreste, Loyi a ri Rito. Kutani loko Rito ra Xikwembu ri ta eka n'wina, ri tava hi ndlela yo fana.

¹⁴⁸ Kambe Xikwembu xi va rhangerile kuya etikweni ra xitshembhiso, hi ndlela yin'wana. Va kume, nakambe, yinkhwa yin'wana na yin'wana, loko va tava va sungurile ku famba emananga erendzweni ra vona sweswi, endzhaku kaloko va tava va avanile, va kumile leswaku yinkhwa yin'wana na yin'wana a yi omile, eka vona.

¹⁴⁹ Kutani u ta kuma swo fana, makwerhu, loko u sungula rendzo leri kuya eka Tiko ra xitshembhiso. Mi ta kuma mavanti ya pfariwile. Tani hi muchumayeri yaloye lontsongo a nge teri, mu-Anglican, kumbe leswi a nga ha vaka xiswona, kutani, xosungula mi xitivaka, kereke ya yena yi n'wi hundzukerile. Wa vona, tani hiloko a amukerile ko tala Moya wo Kwetsima, sweswo a kuri makumu ya swona.

¹⁵⁰ Kutani—kutani Israel ri kume swo fana, tani hi xikombiso, erendzweni ra vona kuya etikweni ra xitshembhiso. Ti yinkhwa hinkwato a ti omile. Ina, rendzo ra vona a ri yingisela Rito ra Xona ra xitshembhiso, erendzweni ra vona, etiyinkhwani, va kume ti omile. Sweswi va kumile yinkhwa—tiyinkhwa leti u naga taka u nga ha tshembheli eka tona, e rendzweni.

¹⁵¹ Kutani loko mi ngava mi ya eku fambeni hi ku yingisa Rito ra Xikwembu, mi tlhela mi ringeta ku joyina *leyi* na *liya*, mi ta swi kuma leswaku ku hava yinkhwa emisaveni leyi yi nga Ri hlayisaka. Ku ngari hinkwato. U va u ri wexe. Xikwembu xi mi rhangela ntsena hi ndlela leyi Xi mi lavaka ku mi rhangerisa xiswona. Kutani, hi kumile swo fana namuntlha, kutani tiyinkhwa hinkwato ti omile.

¹⁵² Kambe xitshembhiso, xi tshama xi ri xa ntuyiso, eka Xikwembu Lexi xi hlayisaka xitshembhiso xa Xona eka vanhu va Xona. Xi tshembhisile ku phakela hinkwavo lava va nga ni swilaveko, swingaleswi Xi swi endlile sweswo. Exikarhi ka leti ti nga riki na nchumu, tiyinkhwa leti omeke, ntsena ehleketa hi swona; na Israel leri a ri ri eku vileleni, emananga, eka rendzo ra vona! Xi vitanile nandza wa Xona loyi a ri murhangeri, muprofeta Muxé, a huma a ya eka tlheló lerin'wana, kutani a fika a pfula xihlovo xa mati lawa ya pfelelaka, hi Ribye leri nga biwa, leswaku vana va Xona lava pfumelaka va nga tshuki va lova.

¹⁵³ Eka siku leri, leri ri vulavulaka hi tintswalo, eka mina. Hi le hansi ka ku ponisiwa. Hi ndlela leyi hi nga yi endlisa xiswona, hi ndlela leyi hi nga hanyisa xiswona, hi le hansi ka ku ponisiwa.

¹⁵⁴ Kambe Xikwembu, eka siku leri, ku fana ni kwala mixo lowu, langutani, eka Methodist, Baptist, Presbyterian, Khatholiki, ni hinkwato, Xi pfurile Xihlovo. Va-Heveru 13 ya swi khorwisa leswi, leswaku wa ha ri Yena tolo, namuntlha, ni hilaha ku nga heriki. Swingaleswi yi—yi endla ntuyiso, Yohana 3:16, “Hikuva Xikwembu xi rhandzile misava swonghasi, xi

ko xi nyika N'wana wa xona la nga tswariwa a ri swakwe, leswaku un'wana na un'wana loyi a pfumelaka eka Yena a nga tshuki a lova, kambe a va ni Vutomi lebyi nga heriki.”

¹⁵⁵ Kambe yi tlakuseriwile ehenhla hi swivangelo swo hambana, hikuva vanhu a vari eku dumadumeni ni ku dyoha, nakona tinyoka ti va lumeterile kutani a vari eku feni; kutani leswaku va rivaleriwa swidyocho swa vona, niku horisiwa ka vuvabyi bya vona.

¹⁵⁶ Kutani xexo xa ha ri Xihlovo xin'we lexi xi pfuleriweke hina namunlha, xa ku ponisiwa ka hina niku hanyisiwa ka hina, ku horisiwa ka xinyama. “Hikuva wa hari Yena tolo, namunlha, ni hilaha ku nga heriki.”

¹⁵⁷ Kutani loko Ribye lero leri ri nga biwa hi xitshembhiso xa Rito ra Xikwembu, ri tava ri lerisiwile, Ri humesile mabomubomu ya mati yo basa yo teng; ku ngari—ku ngari yo yima, ku ngari lawa ya nyamisiweke, kambe lawa ya nga Vukona lebyi byi nga bya Xona Xikwembu. Mati yo teng, nakona ya ponisile hinkwavo lava va nga nwa. Sweswi ha swi tiva leswaku walowo i ntiyiso, hikuva hi wu hlaya eka Testamente ya Khale, tani hi xifananiso.

¹⁵⁸ Sweswi, a wu fanelanga ku xi koka, ku ximpopa, ku xi joyina, ku ya eka tiseminar u ya dyondzela ku xitirhisa. Va taku byela leswaku xitirhisiwa ku yini kwalahaya, wa vona, “Oho, kunene, wena, loko u amukerile Moya wo Kwetsima, hi pfumela sweswo, kambe swingaleswi wena—wena u swi endla hi ndlela *leyi*.”

¹⁵⁹ Kambe, maswivona, a kuna vulawuri eka xona. A wu tirhisi Moya wo Kwetsima; Moya wo Kwetsima wu tirhisa wena, wa vona. Wa vona, a wu tano, a wu fanelanga u tirhisa Moya wo Kwetsima; Moya wo Kwetsima wu kume wena. Nyiko a hi xin'wana na xin'wana u nga xi tekaka, tani hi mukwana, u lotaka penisele ha wona. Wu ku nyiketa eka Xikwembu, ni kuva wu ku humesa endleleni leswaku Moya wo Kwetsima wu ta kota ku ku tirhisa.

¹⁶⁰ Xiyisisani, a va nga fanelanga ku ma mpopa kumbe ku ma koka, kumbe a va ngari na nfanelo yo vutisa leswaku, “Sweswi hi matirhisa njhani mati lawa?” Hikuva, a va switiva leswaku va ta matirhisia ku yini. A va ri na torha. A va swi tiva leswaku va swi endlisa ku yini ha wona.

¹⁶¹ Kutani swi tano eka wanuna kumbe wansati, yini, swi nga ri na mhaka ni leswaku u le ka mikhuva yihi kumbe dinominexini yihi leyi u nghenaka eka yona. Loko a ri na torha ra Xikwembu, a nga fanelanga ku tlhelela endzhaku eka seminara, tani hi makwerhu loyi wa Anglican a swi endlake, kumbe makwerhu wa mu-British, madyambu ya tolo, a fanele ku tlhelela endzhaku a ya vutisa leswaku njhani, eka kereke ya Anglican, leswi a nga yi tirhisiaaka xiswona nyiko ya yena leyi

ya kahle a nga na yona, ya ku vulavula hi tindzimi, ni hilaha a nga swi endlisaka xiswona *leswi*. Va nga n'wi rhahela ehandle, ku sungula hi swona. Wa vona? A ri na torha, swingaleswi Xikwembu ntsena xi n'wi tatile. Sweswo hi swona hinkwaswo leswi swi nga eka xona. Xi ni torha, kutani ntsena Xa tata.

¹⁶² A wu fanelanga kuva ni loyi a ku lawulaka, un'wana loyi a nga ku byelaka leswi u nga swi endlaka ha xona. Xikwembu xi rhangela un'wana na un'wana hi—hi ndlela leyi Xi swi lavaka leswaku mi swi endlisa xiswona. Wena u—ri wexe, wena hi wexe. U xiphemu xa Xikwembu. Kuhava loyi a nga tekaka ndhawu ya wena. Nakona a kuna ndlela yin'wana ya kuya eka un'wana, mi vula leswaku, ndzi fanele ku “endla *leswi* ha xona,” kumbe ndzi fanele ku “endla *sweswo* ha xona.” Ee, nkulukumba. Xikwembu xi tirhisa hi ndlela leyi—leyi Xi yi lavaka. Loko u ri na torha, u tiva ku ringanelia hi ku nwa.

¹⁶³ Kutani loko u ri ni torha mixo lowu, nwana eka Xona, hi swona hinkwaswo leswi u nga swi endlaka. Xikwembu xi nyikile ndlela eka torha ra vona, vana lava a va ri na torha leswaku va va vateka ndhawu hi ku ntshunxeka eka Xona hi xoxe. Nakona Xikwembu xi nyikile ndlela eka wanuna un'wana na un'wana ni wansati mixo lowu, loyi a nga ni ndlala ni torha. Kumbexani ku nga hava kuri ni vanhu lava nga tshama kwalahawani, a va kalanga va ponisiwa. Ku ni vanhu lava nga tshama lahawani lava nga ekusuhi ni kuva va ponisiwa.

¹⁶⁴ Kuni vanhu lahawani, va tshameke lahawani tani hi swirho swa kereke, wa swilava ku va kahle, kambe u nwa kusuka eyinkhwensi. A va nge pfuki va ku byele Mintiyiso leyi.

¹⁶⁵ Nchumu wun'we ntsena, wa kuta, i ku ta teka xitsembhiso xa Xikwembu u ta eka Xihlovo xexo, kutani Xi ta tima torha. “Loyi a nga ta nwa eka Xihlovo lexi a ngaka a nga ha pfuki a twile torha.”

¹⁶⁶ Xiyisisani sweswi hilaha—hilaha Xi nga ntshunxa lava nga va Xona—Xona lava nga amukela mati lawa, hi tintswalo, kutani ku ngari hi matirhelo kumbe xihlovo xa dyondzo. Xi tiyisisa Rito ra Xona, hi rona ri phamelaka hi ku nyika Vutomi. I vangani lahawani lava va swi tivika leswaku u kuma Vutomi loko u tava u tekile Rito ni mati ya Xona, ntsena wa switiva leswaku u amukerile Vutomi? [Nhlengeletano yi ku, “Amen.”—Muhleri.]

¹⁶⁷ A hi tekeni, kunene, xikombiso, ntsena xikombiso xin'wana, kumbe swimbirhi, kutani ndzi ya eku pfaleni ku ngari khale. Ndzi—ndzi boheka kuva na kunupu yaleyo kun'wana. Kambe xiyisisani. Ntsena no tshamela ku vulavula, kambe a ndzi vuli ku swi endla. Langutani, a hi swi tekeni kuri xikombiso, ntsena vanhu votala.

¹⁶⁸ A hi tekeni wansati loyi a ri exihlobyen i xa Yakob, pitsi leyia yi ceriwile. Kwalahaya a tshamile kona. Hinkwavo vavasati va swi tiva, a kuri xihlovo lexi a ta a taka mati kona. Kutani hi ku khegetelana na xihlovo u kumile, eka xirhendzevutana nyana kwalahaya, Wanuna a tshamile kwalahaya, mu-Yuda. Kutani a ri mu-Samariya, a kuri doroba ra Sikar. Nakona hi kuma leswaku Wanuna loyi, mu-Yuda loyi, u vulavula Rito leri nga tolrevelekangiki eka wansati loyi, a ku, "Ndzi siyeli Ndzi nwa."

¹⁶⁹ A ku sweswi, "A hi tolovelananqa. A swi kahle—kahle eka Wena ku ndzi vutisa xivutiso xo tani hi xexo; U mu-Yuda, kutani mina ni mu-Samariya."

¹⁷⁰ A ku, "Kambe loko a wu tiva Loyi u vulavulaka na Yena, i ngi u komberile eka Mina ku nwa, kutani a ndzi ta ku nyika mati lawa a wu nga ta ta exihlobyen i lexi u ta nwa eka xona; xinseledyana xa mati a xi ta humesa mabomubomu eka wena." Xiyisisani loko a tava a kumile leswaku swa khorwisa leswaku i Ntiyiso!

¹⁷¹ Sweswi, xosungula, munhu un'wana ni un'wana a tava a swivurile sweswo. Kambe wansati u teri, "Mi ri mi gandzela eYerusalem, kutani hina hi gandzela etshaveni ley."

¹⁷² A ku, "Ku ponisiwa i ka va va-Yuda. Hi tiva leswi hi swi pfumelaka. Kambe," a ku, "u nge Ndzi ku byela nchumu wun'we ntseña," hi marito yo kotisa lawa, "hambi etshaveni ley, kumbe eYerusalem. Nkarhi wa ta laha vanhu va nga ta gandzela Xikwembu hi Moya ni Ntiyiso, hikuva Tatana u lava lava n'wi gandzelaka sweswo." A ku, "Famba u ya vitana nuna wa wena." Langutani, lahawani swa xi khorwisa. Lahawani swi kombeta xihlovo lexi a ri eka xona leswaku i xa njhani. A ku, "Famba u ya vitana nuna wa wena u ta na yena lahawani."

A ku, "A ndzi na nuna."

¹⁷³ A ku, "U vula ntiyiso." Wa vona, a swi tikomba tani hiloko kuri ku hambana kale rivaleni eka leswi A nga n'wi kombela swona, kutani a ku, "Famba u ya vitana nuna wa wena."

A ku, "A ndzi na nuna."

¹⁷⁴ A ku, "U vula ntiyiso." A ku, "Hikuva u vile ni ntlhanu wa vona, ni loyi u tshamaka na yena sweswi a hi wa wena."

¹⁷⁵ Langutani wansati yaloye, leswaku a hambana njhani ni vaprista va siku lero! Vaprista va siku lero va swi vonile swo fana na sweswo swi humelela, kutani va ku, "Yaloye i javulosi, muhembi, kumbe—kumbe Beelzebub." Wa vona, va hlulekile ku vona Rito ra xitshembhiso xa sweswo.

¹⁷⁶ Kambe wansati yaloye a antsxa hi ti vhese ta Matsalwa ku tlula un'wana ni un'wana wa vaprista. A ku, "Nkulukumba, ndza swi twisisa leswaku I muprefeta. A hi kalanga hi va na un'we lonene kuringana mune wa madzana ya malembe, kusukela

eka Malakiya. Kambe,” a ku, “hi langutele un’wana, nakona ha switiva leswaku ku ni Un’we a taka, ku nga Mesiya. Kutani loko Yena a ta, leswi hi swona leswi Yena a nga ta swi endla.”

Yesu a ku, “Ndzi Yena.” Amen.

¹⁷⁷ Mikale mi swi xiyisisa, u siye bakiti ra yena exihlobyen i xa Yakob, a tsutsumela etikweni; a tele hi xihlovo lexi pfelelaka! U xi vonile xi hetisekile xi tiyisisiwile, nakona A ri xona Xihlovo xexo xa Vutomi. Mi nge ndzi mi tivisa yena. U xi siyile xexo; loko A tava a kambisisiwile leswaku i Rito ra Vutomi. U xi siyile; nakona u swi kumile leswaku Ribye reriya, ri nga tshama ri biwa emananga, swi khorwisile leswaku hi rona ri nga kona.

¹⁷⁸ Mi nge ndzi ku, Xikwembu xexo xi fanaka lexi a xi ri emasikwini lawa ya ha ku hundzaka, lawa hi nga vulavula ngopfu hi wona, Xi kona sweswi lahayani; ku ngari hi matwisiselo ya loyi a nga swiyela exikolweni, kambe hi vutivi bya ximunhu lebyi byi tiyisisiwaka hi Xona byi nga ta cheriwa emasikwini lawa yo hetelela, Moya wo Kwetsima ehenhleni ka kereke. A hi Xona lexi xi nga “A ndzi ri kona.” Xa ha ri “HI MINA loyi a nga kona,” nkarhi wa sweswi, minkarhi hinkwayo.

¹⁷⁹ Kutani xihlovo xi lahlekeriwile hi nantswo wa xona. Kutani swi tano nile ka munhu un’wana ni un’wana loyi a nga wa ematimbeni ya Xikwembu, eka nkhuvulo wa Moya wo Kwetsima, matirhele ya xidinominexini ma lahlekeriwile hi nantswo wa wona. A wa ha kali u lava swidula swa mati yo yima, na minkolombyana, na tinsikiti, ni swin’wana. U le ku nwensi eka Xihlovo lexi xi nga xintshwa xi tlhela xi teng, Rito ra Xikwembu, awara yin’wana na yin’wana hi le swintshwa emoyeni wa wena. Ku fana ni sweswi, loko Rito ri tava ri kambisisiwile leswaku ri Ntiyiso, ringa u vona loko ku nga ri swona.

¹⁸⁰ Hambi leswi xihlovo xi nga ti tirhela kahle hi vuxona, nkarhi wa xona xi nga wu tirha kahle, kambe, maswivona, Xihlovo xa Vutomi a xi ri kona kwalahaya, xihlovo xa Yakob a xi nga ha laveki, eka kunwa ka ximoya. Leswi a va swi ehleketa, loko va nga nwa eka xihlovo xexo, hikokwalaho ka yini, swi tava swi ri kahle; kambe sweswi Xihlovo xa Vutomi xona hi Xoxe a xi ti tshamele kwalahaya.

¹⁸¹ Sweswi a hi kali hi lava matirhelo ni minhlangano leyi hi nga na yona. Hi le nkarhini wa le makumu. Nakona Xikwembu xi tshembhisile, eka nkarhi lowu wo hetelela, swilo leswi Xi nga ta swi endla. Kutani ha swi vona swi hetiseka, eRitweni. Ha n’wi twa wanuna wa matimba ya swa tinyimpi, a yima, ni ku rhurhumela, kutani a ku, va, “Swin’wana swi lava ku humelela.” Hi twa Moya wo Kwetsima wu hi tshinya leswaku swin’wana swi lava ku humelela. Hi vona hinkwaswo swi tshamisekile. Manuku, tshika matirhelo ya lawa u ta eXihlobyen i. Ina, nkulukumba.

¹⁸² Xi vile ni xikongomelo xa xona, kambe sweswi xi langutananile na Xihlovo xona hi Xoxe.

¹⁸³ Eka Yohana 7:37-38, Yesu u teri hi siku ro hetelela ka nkhuvo wa tabernakele (xana U te yini?), “Kungaku loko munhu a ri ni torha, a te ka Mina, a nwa.” Kwalahaya eka ntlawwa wa swidyondzeki swa ntivo-vukwembu! “Kungaku loko munhu a ri ni torha, a te ka Mina, a nwa. Hilaha Matsalwa ma vuleke ha kona, milambu ya Mati lama khulukaka yi ta pfelela exifuveni xa Yena.”

¹⁸⁴ Ku ni Xihlovo lexi pfelelaka. Xexo i Xihlovo lexi vanhu va nga xi tshika namuntlha. Hikokwalaho ka mikhuva, va tshikile Xihlovo xa Mati lawa ya pfelelaka. Mi nge ndzi mi tivisa eka Yena. Yena, eka mina . . . Kutani ndza pfala.

¹⁸⁵ Yena, eka mina, hi yena Xihlovo lexiya xi nga ponisa vutomi bya Hagar, na n’wana, loko va fa emananga.

¹⁸⁶ Ndza pfumela leswaku hi Yena Ribye lero, eka Esaya 32, hi Yena Ribye lero eka tiko leri ri karhaleke. Hi Yena xisirhelelo hi nkarhi wa bubutsa.

¹⁸⁷ Zakariya 13, hi Yena Xihlovo lexi nga pfuriwa eNdlwini ya Davida, ya vudyoho. Ndza N’wi pfumela leswaku hi yena. N’wina ke? [Nhlengeletano yi ku, “Amen.” Muhleri.]

¹⁸⁸ Eka Tipisalema 36:9, hi Yena xihlovo xa Davida xa Vutomi. Hi Yena Mati yo yima ya Davida, ni madyelo ya rihlaza. Hi Yena Mati ya xinambyana, xa Davida.

¹⁸⁹ Eka Geneza 17, hi Yena vele ra Abraham leri ri an’wisaka, El Shaddai. Kambe loko vutomi bya yena byi tava byi fambile eka yena, hambi swi ri tano wa . . . Xikwembu xi vule tano.

¹⁹⁰ “Wanuna wa dzana ra malembe hi vukhale, swi nga humelela njhani swilo leswi? Ndzi dyuharile, nsati wa mina u dyuharile, swi nga endlikisa ku yini swilo leswi?”

¹⁹¹ A ku, “Hi Mina El Shaddai.” Sweswi, *El* i “ku,” kutani—kutani *Shaddai* i “vele,” nakona Shaddai yile vunyingini, leswi swivulaka leswaku “Ndzi Xikwembu xa mavele.”

¹⁹² Tani hi n’wana loyi a rhurhumelaka a tlhela a vabya, ni ntamu wu fambile eka yena, a ti seketerile hi xifuva xa mana wa yena niku n’wi an’wisa ku vuyisela ntamu wa xona endzhaku. Hakunene. Ku ngari ntsena. . . Loko a ri eku an’weni, a nga ha rhurhumeli nakambe. Eveleni ra mana wa yena, wa enela hiloko a kuma ntamu wa yena.

¹⁹³ Ni munhu un’wana na un’wana loyi a nga ta tekela xitsembhiso xa Xikwembu embilwini ya yena, leswaku, “Xi tshembhiso xi le ka n’wina, ni vana va n’wina, na vona lava va nga ekule na swona, tani hilaha votala Hosi Xikwembu xa hina xi nga ta va vitana,” kutani pavala u ti seketetela hi sweswo u nwa u vuyisela ntamu endzhaku. N’wana la rhurhumelaka, swi pfumeleni! I swa vapfumeri.

¹⁹⁴ Eka mupfumeri wa muphati, ndzi nga ha ehleketa hi tinsimu to tala leti vaphati va nga hi kumela tona. A kuri ni un'wana wa vona a nge teri nkarhi wun'wana, Yena . . .

Ku ni Xihlovo xi nga tala hi Ngati,
 Leyi humaka eminsiheni ya Emanuel,
 Loko vadyohi va nyupela endzeni ka
 ndhambhi,
 Kusuka hinkwaswo swinaka swa vubihi bya
 vona.

Khamba lero ri faka ra tsaka ku vona
 Xihlovo xexo eka siku ra yena;
 Kwalahaya ndzi nga ha, wo nyenyetsa tani hi
 yena,
 Hlantswa hinkwaswo swidyoho swa mina.
 Kutani kusukela hikokwalaho ka ripfumelo
 ndzi vonile xinambyana
 Mipfimbeti ya wena leyi khulukaka yi
 phamelaka,
 Rirhandzu leri ri kutsulaka ri vile
 xikongomelo xa mina,
 Kutani swi tava tano ku kondza ndzi fa.

¹⁹⁵ Eka mina, hi Yena Mati ya Rito ra ku Avana, leri ri mi hambinyisaka eka xin'wana ni xin'wana lexi xi hambanaka ni Rito ra Xona. Xexo hi xona Xihlovo lexi ndzi pfumelaka leswaku hi Yena. Ina, nkulukumba. Leswaku, I Mati lawa ya ndzi hambanyisaka kusuka eswhihlobyeni leswi swi endeleke hi vanhu, kuya eka Xihlovo xa Mati lawa ya pfelelaka. Oho, munghana, ntsena ndzi nga ha . . . Ntsena mi nga ha ya emahlweni nile mahlweni, ni swilo leswi—leswi Yena a nga na swona eka hina! Hi Yena Alfa, Omega. Hi Yena Masungulo, hi Yena Mahetelelo. Hi Yena Loyi a ri kona, loyi a nga kona, ni loyi a nga vuya. Hi Yena Rimintsu na Swimintswana swa Davida. Hi Yena Nyeleti ya ni Mixo. Hi Yena hinkwaswo eka hinkwaswo.

¹⁹⁶ Kutani, buti, sesi, loko kuveni a—a wu na . . . Ntsena mi nwela eka swiyinkhwana leswi nga endla hi vanhu, vutomi bya n'wina hinkwabyo, hikokwalaho ka yini mixo lowu mi nga tshiki yinkhwa yaleyo mi ta eXihlobyeni lexi?

¹⁹⁷ A hi korhamiseni tinhloko ta hina xinkadyana. Ni tihloko ta n'wina leti ti nga korhama . . . [Sesi a sungula ku yimbelela hi ririmiri rin'wana. Xivati lexi nga riki na nchumu eka thepi. Un'wana a nyika nhlamuselo—Muhleri.] . . . kuya hi mavonele ya mina, ku vitana lava tweke rito. I vangani sweswi?

¹⁹⁸ A—a ndzi rhurhumela hinkwako, a—a ndzi ri eku mi khomeleteni swinene, swi ndzi endlile ndzi tsema hungu ra mina hi swiphemu. Kambe ndza pfumela leswaku Moya wo Kwetsima wu mi lava mi kuma leswi ndzi swivulaka.

Langutani, ku hava nchumu xi antswaka ngopfu eka siku leri kutlula ku lulama na Xikwembu; wa vona, swakudya swa hina swa ni nhlikanhi, hambi ku nga hava yini, hambi yini. Hosi yi kwalahawani. Sweswi, sweswo ndzi swi twe kan'we ntsena evuton'wini bya mina, kusukela nkarhi lowu.

¹⁹⁹ Sweswi njhani... hinkwerhu ka n'wina lahawani, ku ngari "leswaku vangani." Hinkwerhu ka n'wina lahawani n'wina mi lavaka ku nwela eka Xexo, ntsena tlakukani mi yima nyana, ntsena hi ta khongela. Xikwembu a xi mi katekisi. Hosi a yi mikatekisi.

²⁰⁰ Sweswi i vangani lahawani, lava—lava va nga yima sweswi, va nga taku, hi ku yimisela voko ra vona ehenhla xi *leswi*, "Xikwembu, famba-famba eka hina, ntsena ndzi tati, ndzi pfumeleri ku nwela eka Xihlovo lexi. Nakona a ndzi se endla leswi swi nga kahle, kambe ndzi—ndzi lava Wena u ndzi rivalela eka swona. Ndzi lava Wena u va loyi a hlantswaka swidyocho swa mina. Kutani u—u—u ndzi pfumelela, kusukela eka siku leri, ntsena . . ."? Ntsena languta! Mina!

Ku ni Xihlovo xi nga tala hi Ngati,
 Leyi humaka eminsiheni ya Emanuel,
 Loko vadyohi va nyupela endzeni ka
 ndhambhi,
 Kusuka hinkwaswo swinaka swa vubihi bya
 vona.
 Kusuka hinkwaswo swinaka swa vubihi bya
 vona,
 Kusuka hinkwaswo swinaka swa vubihi bya
 vona;
 Loko vadyohi va nyupela endzeni ka
 ndhambhi,
 Kusuka hinkwaswo swinaka swa vubihi bya
 vona.

²⁰¹ Sweswi lero, n'wina mi nga vapfumeri va Vakreste, mi nga amukela Kreste tani hi Muponisi wa n'wina, kambe mi nga se . . . Sweswi loko mi nga ri tano, xexo hi xona Xihlovo. Un'we ntsena loyi ndzi n'wi tivaka hi yaloye wa Xihlovo lexi humaka eminsiheni ya Emanuel. Sweswi, kutani loko kuri ni vunyingi bya n'wina lahawani . . .

²⁰² Swi fana ni loko ndza ha vulavula eka madyambu man'wana hi xigamani lexi a xi famba-famba ehokweni na tihuku. Kambe a nga kalanga a tiva nchumu wun'wana handle ka tihuku ntsena, kambe a swi tiva leswaku ku ni swin'wana eka yena swo hambana ni swa tihuku. Hiloko mana wa yena a ta a ri karhi a n'wi hlota, kutani a huwelela a ri ehenhla. A kuri ku vitana ka gama. Wa vona, u fanele a va gama, ku sungula hi swona, kumbe a nga ta ku tekela enhlokweni ku vitana kwaloko. Wa vona, u . . .

²⁰³ Ku fanele kuva na swin'wana kwalahaya, swimilaka, kumbe swi tsandzeka ku humesa Vutomi. Kutani loko Mbewu, Rito ra Xikwembu, ri ri eka n'wina, Moya wo Kwetsima wu kona lahawani ku yi mirisa niku Ri endla leri ri hanyaka eka n'wina.

²⁰⁴ Mi vangani n'wina mi nga lahawani mi nga se tshamaka mi amukela nkhuvulo wa Moya wo Kwetsima, mi nga ha yimisela mavoko ya n'wina ehenhla? Ku rhendzeleka, hinkwako, ntsena hi ku tshembheka hakunene, loko u nga se tshama u amukela Moya wo Kwetsima, kutani u swi tsakela, yimisa voko ra wena. Kun'wana ni kun'wana laha u nga kona, ntsena yimisisa xisweswo voko ra wena, ntsena xinkadyana.

²⁰⁵ Sweswi ndzi lava leswaku, u yima hinkwako u va languta, ndzi lava un'wana loyi a nga ta va tlhandleka mavoko.

²⁰⁶ Ndza pfumela leswaku sweswi Moya wo Kwetsima wu ta tata un'wana loyi a Wu lavaka. Sweswi mi nga kali mi ehleketa hi swakudya leswi nga lahaya ekhefini. A hi ehleketeni hi Swakudya leswi nga lahawani. Leswi hi Swona. Lebyi i Vutomi. Wa vona, lebyi i Vutomi.

²⁰⁷ Sweswi hundzulukani, un'wana na un'wana wa n'wina, mi tlhandlekana mavoko hi xin'wina. "Kutani va tlhandlekile mavoko ehenhla ka vona!" Sweswi ndzi mi lava mi khongeleta munhu yaloye u nga n'wi tlhandleka voko . . .

²⁰⁸ Sweswi mi nga ehleketi hi ku ya ehandle. Mi nga ehleketi hi nchumu swin'wana. Ntsena ehleketani, sweswi, hi Moya wo Kwetsima lowu nga kona lahawani ku tata un'wana ni un'wana. Pfulani timbilu ta n'wina, halatelani mati ya xihlovo ekule, mi ku, "O Xihlovo xa Vutomi, tana eka mina. Ndzi tati, O Hosi Xikwembu, hi vunene bya Wena ni tintswalo."

²⁰⁹ Hosi Yesu, xexo i Xihlovo lexi xi nga phyangiki! Ndza khongela, Xikwembu, leswaku U ta tata un'wana na un'wana wa vona. Leswaku Moya wo Kwetsima wu nga ha wela lahawani. Ndza khongela, Xikwembu, leswaku hi ta rivala hinkwaswo ka swona; leswaku Moya wo Kwetsima wu wela exikarhini ka hina, ntsena sweswi, nakona wu ta hi nyika Mati ya lawa ya Vutomi, mahala, kusukela hinkwako. Hi nyike swona, O Xikwembu. Loko xa-xa haya emahlweni xikhongelo na risimu, swikatse kun'we, Hosi, hiku tiva leswaku sweswo i Vukona bya Wena, Vukona bya Wena lebya Matimba, hi lava ku ta eXihlobyen. Hi lava wona hakunene, nkhuvulo wa xiviri hi Moya wo Kwetsima. Hosi, vanhu lava va khongeleta Wona. Ndza khongela leswaku, xinkadyana lexi sweswi, leswaku va ta tatiwa hi vukahle bya Xikwembu. Hi nyike, O Xikwembu. Twana xikhongelo xa vana va Wena. Leswaku U nga ha ta ehenhleni ka vona, leswaku Matimba ya Xikwembu, na Moya wo Kwetsima, wu va kukula. Hi nyike swona, Xikwembu.

²¹⁰ O hi Ku khensa njhani ku hi phyuphyisa, hikokwalaho ka Vukona bya Xikwembu xa matimba xa Matilo, lexi yimeke exikarhini ka hina! Eka awara leyи ya ndzhengha, Hosi, hi phameli! Hosi, hi lava Swakudya leswi humaka etafuleni ra Wena. Hi phameli, Hosi, ntsena sweswi. Hi phameli hi Moya wo Kwetsima, eka vutomi bya hina. Mimoya leyи yi mhukutiweke ya hina yi na torha. Tani hilaha U vuleke eka nhlamuselo ya risimu, “Wu ta chela mati ehenhleni ka misava leyи yi mhukutiweke.” Swi pfumeleli swi humelela, Hosi. Pfumelela Marito ya Wena ma vonakala etimbilwini ta vana va Wena. “Mati lawa ya nga laha ku omeke, misava leyи yi mhukutiweke.” Xikwembu lexi nga riki ni makumu, yingisela xikhongelo xa malandza ya Wena, kutani u hi nyika Minkateko yaleyo. Amen.

Oho, ndzi n’wi rhandza njhani Ye- . . .

²¹¹ Ntsena yanani emahlweni niku N’wi dzunisa sweswi. Hi kuma leswaku, Moya wo Kwetsima wu kwalahawani. Loko mi nga Wu kumi, i nandzu wa n’wina.

Ndzi n’wi rhandza njhani Yesu,
“Mi rhandza Mina kutlula leswi?”
 . . . rhandza njhani Yesu,
 Hikuva U sungurile a ndzi rhandza.
 Oho, ndzi n’wi rhandza . . . (A ku dzunisiwi
 Xikwembu!)
 Oho, ndzi n’wi rhandza . . . (Ku nga humelela
 yini loko a nga ta ntsena . . . ? . . . -swi?)
 Oho, ndzi n’wi rhandza njhani Yesu,
 Hikuva U sungurile a ndzi rhandza.
 Ndzi ngaka ndzi nga N’wi tshiki,
 Ndzi ngaka ndzi nga N’wi tshiki,
 Ndzi ngaka ndzi nga N’wi tshiki,
 Hikuva U sungurile a ndzi rhandza.
 Lowa kahle, lowa kahle, Yesu u le ka mina,
 Mutsundzuxi, Hosi ya ku Rhula, Xikwembu
 xa Matimba hi Xona;
 Oho, xa ndzi ponisa, xi ndzi yisa ekule ni
 vudyoho hinkwabyo ni tingana,
 Lowa kahle i Mukutsuri wa mina, dzunisani
 Yena . . .

²¹² A hi N’wi yimbeleleni rona sweswi!

Lowa kahle, lowa kahle, Yesu u le ka mina,
Mutsundzuxi, Hosi ya ku Rhula, Xikwembu
 xa Matimba hi Xona;
 Oho, xa ni ponisa, xi ndzi yisa ekule ni
 vudyoho hinkwabyo ni tingana,

Lowa kahle i Mukutsuri wa mina, dzunisani
 Vito ra Yena!

²¹³ Hinkwavo lava va ti twisaka xisweswo, mi nge “amen.” [Nhlengeletano yi ku, “Amen.”—Muhleri.] Oho, haleluya! Ndzi vona vanhu va’wana lava va taka sweswi, na Moya wo Kwetsima.

A ndzi lahlekile, sweswi ndzi kumekile, ndzi
 tshunxekile eka ku avanyisiwa,
 Yesu u hi nyika ntshuxeko niku ponisiwa loku
 ku heleleke;
 Wa ndzi ponisa, u ndzi susa evudyohweni
 hinkwabyo ni tingana,
 Lowa kahle i Mukutsuri wa mina,
 dzunisani...

A hi yimiseni mavoko ya hina sweswi hakunene hi
 dzu-...

Oho, lowa kahle, lowa kahle, Yesu u le ka
 mina,
 Mutsundzuxi, Hosi ya Kurhula, Xikwembu xa
 Matimba hi Xona;
 Oho, wa ndzi ponisa, u ndzi susa evudyohweni
 hinkwabyo ni tingana,
 Lowa kahle i Mukusturi wa mina, dzunisa
 Vito ra Yena.

²¹⁴ Ma N’wi rhandza xana? [Nhlengeletano yi ku, “Amen!”—Muhleri.] Oho, swikahle! A ku dzunisiwi Xihlovo xexo xi nga tala hi Ngati, laha hinkwavo vadyohi va tshikaka ku chava hinkwako ka vanhu, hinkwako ku soriwa, ntsena ntshuxekani eka Yena. Haleluya! Oho, mina, sweswo swi kahle hakunene!

²¹⁵ Sweswi loko haha ri yimbelela nakambe, mi nge hinkwavo va-Methodist, Baptist, Khatholiki, Presbyterian, na yin’wani, loko haha yimbelela leswi, “Lowa kahle, Yesu u le ka mina,” a hi hundzulukeni hi qhavulana mavoko, ntsena hi hlanganana ni swidyuhati swa kahle. Maswitiva, mina, sweswo hi leswi ndzi swi rhandzaka. A hi yeneni, a hi ri yimbeleleni sweswi tani hiloko haha swi endla.

Oho, lowa kahle, lowa kahle, Yesu u le ka
 mina,

²¹⁶ [Makwerhu Demos Shakarian a vulavula na Makwerhu Branham, “Makwerhu Branham, ndzi na rito ra Presidente Johnson, u tsutsumerisiwile exibedlhele u khome hi vuvabyi bya mibilu, kutani hi nga hava hi fanerile ku n’wi khongelela xikan’we na tiko ra hina.” Vamakwerhu va swi kunguhata. Un’wana a ku, “A hi yimeni nyana swintsongo.”—Muhleri.]

Lowa kahle, Yesu i, (hi swona sweswo)

Oho, Mutsundzuxi, Hosi ya Kurhula,

²¹⁷ [Makwerhu Shakarian nakambe a vulavula na Makwerhu Branham, “Ndzi khomeleni, ndzi khomeleni nakambe, u lava ku chikela ehansi nyana?” Makwerhu Earl Prickett a rhangela nhlengeletano hi ku yimbelela, *Lowa kahle*. Xivati lexi nga riki na nchumu eka thepi. Nhlengeletano yi yimbelela *Kuni Nambu Wa Vutomi*. Xivati xin’wana lexi ngariki na nchumu eka thepi—Muhleri.]

Bibele yi teri, “Khongeletani ni lava va nga eku fumeni.”

²¹⁸ Tatana wa hina la nga Matilweni, hi yimile eka xilaveko lexi hi nga riki niku tshembha xa murhangeri wa tiko ra hina, Presidente wa hina. Swi nga ha endleka a nga switivi leswi, Hosi, kambe Wena wa swi tiva. Ndzi khongeletana Makwerhu Johnson, tani hi laha a tivuleke leswaku hi yena mupfumeri wa Wena. Nakona, Tatana, vuvabyi bya mbilu, ha swi twisisa, byi n’wi bile. Ndza khongela, Xikwembu, hlayisa vutomi bya yena. Hi le ka—ka xirilo xa tiko hinkwaro sweswi, hi ndlela yin’wana. Kutani pfumelela Moya wa Wena wu ta eka yena, Hosi. Kutani sweswi, exibedlhele kumbe laha a nga va ka ari kona, kutani pfumelela Moya wa Wena wu enhlela eWalter Reed Hospital xexo wu ya khumbha miri wa yena, wu hlayisa vutomi bya yena. Hosi, wanuna u le hansi ka ntshikelelo, ntshikelelo wukulu wo tlula lowu hi wu twisisaka. Swingaleswi ha khongela, Xikwembu, tani hi vapfumeri ni tani hi xiphemu xa tiko leri, hi khongeletana murhangeri wa hina, leswaku U ta n’wi nyika ku engetelela ka nkarhi, eka awara leyi ya kahle, hi Vito ra Yesu Kreste. Amen.



SWIHLVO LESWI HANDZUKEKE TSO65-0123

(Broken Cisterns)

Hungu leri hi Makwerhu William Marrion Branham, ri chumayeriwile hi Muqhivela ni mixo, Sunguti 23, 1965, eka va Full Gospel Business Men’s Fellowship International eku fihluleni eRamada Inn ePhoenix, Arizona, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasihi Voice Of God Recordings.

TSONGA

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org